

Coo` jì e catoeing` jaléng` dsea` Israel i loeing` dsea` quia`- Dsea` Jmáang`

Nicacuø` Fidiée` júu` quia`r`- la'eáang` cóo` i Jóor` camíng`~ do

¹ Lajíi` lamali`gui eáang`, jmiguiab` ya` cangíng` Fidiée` júu` quia`r`- fí` quini` jaléng` dsea` áang` quí`-ii` la'eáang` cóo` fíng` dsea` i café` cuaiñ` quia`r`. Jo jalé` e júu` e ca'íng` jaléng` i dsea` do, jmaquíim` lí` jial ca'íñ` lajaang` lajaañ`. ² Jo dsu` lanagui, lajee` lí` ngóo` cadséng`, Fidiée` cangíiñ` júu` quia`r`- condsee' quí`-ii` la'eáang` cóo` i Jóor` camíng`~ do. Jogui la'eáang` cóo` i Jóor` do cajo cajméer` latøøng` yá` jmigúí` cóo`gui guóo` uó` latí` mi` uing~, jogui nicangíiñ` fí` jaguó` i Jóor` camíng`~ do dseáng`- lajalé`ba` e sea` fí` jo. ³ Jogui i Jóor` camíng`~ do, íb` i dseáng`- jing` güeang` i 'gøng` quia`r`, jogui dseáng`- laco` líiñ` 'ñia`bre líng` dsea` do cajo; jo íb` i née` ni` lajalé` e sea` cóo` lajaléng` i seeng` la'eáang` cóo` e júu` 'gøng` quia`r`. Jo mi` cangí` e nicajáng` 'ñia`r` e laco` nicaleáaiñ` jneaa`aa` jee` jalé` dsee` quí`-ii`, nicangám` tur fí` ñifí`, jo lana dob niguiiñ` lí` lí` dsée` cáang` lí` lí` ée` quia`- Fidiée`.

'Gøng`gui i Jóor` Fidiée` i camíng`~ do laco`gui jaléng` ángeles

⁴ Jo Fidiée` cajméer` e 'gøng`gui i Jóor` camíng`~ do laco`gui jaléng` ángeles, co` nicangíiñ` quia`-

dsea` do e líiñ' jaang` dsea` i niing`gui laco'gui
líng' jaléng'` ángeles i líng' jíi'~ guotii` Fidiée`. ⁵ Co'
Fidiée` jíi'~ coo` ya' ja` cajíñ' e s'f'r` jíi'~ jaang` ángel
lala:

'Nub` dseáng'~ lin' Joo`o;

jogui jmii` na nijmee`e e niliñi` dsea` e jneab`
líiñ' n Tiquíi`^.

Jogui cajo ja` cajíñ'~ lala e éeiñ` jíi'~ jaang` ángel:

Jneab` nilíin` n Tiquiá'^ dsea` do,

jogui dsea` do nilíiñ` Joo`o.

⁶ Jo fé'bi Fidiée` fí lí` jié'` cuaiñ` quiá'~ i Joor'
camíng'~ do ie` mi` cacuøng`neiñ' do fí` jmigúí` la,
jo lalab cajíñ'~:

'Né` nijmifém'` jaléng'` ángeles quié` e i Joo`o na.

⁷ Jogui cajíng'~guir cajo cuaiñ` quiá'~ jaléng'`
ángeles mi` cajíñ'~ lala:

Jmoo`o e jaléng'` ángeles quié` e líiñ' laco' guí,

jogui jmoo`o e lajaléiñ'` do líiñ' laco' mi` sóng'
niing` jíi`.

⁸ Jogui dsu' jíng'~gui Fidiée` uii` quiá'~ i Joor'
camíng'~ do mi` fé'r` lala:

'Nub` líng' Fidiée`, jogui car` ngongii` jmii`ba' e
nicá'^ nifí` quiá'~ jaléng'` dsea` quíi'~,

jogui dseáng'~ røøb` íi` í'` quiá'~ jaléng'` dsea` do
cajo.

⁹ Jogui eáam' tí` a' jalé' e guíi'~,

jogui eáam'` ní'` man' jalé' e 'líi'~;

jo uii'~ joba' jnea~, i líng' Fidiée` quíi'~, caguíin'~ n
'nu`

jo cajmé` e lajo e laco' nili'iaáng'gui o' laco'gui
lajaléng'` dsea` i seeng` røø` cóo'~ 'nu`.

¹⁰ Jogui jíi'~bigui Fidiée` cajo cuaiñ` quiá'~ i Joor'
do mi` fé'r` lala:

Janú' 'nu, Fí'i, 'nab` cajmee' e catiroo` jmigüi` latí
mi` uing~,

jogui 'nab`i cajo dsea` cajmee' yá^` jmigüi`.

¹¹ Jo jalé' e jo tóob` jmi~ ni'íng~, dsu' 'nu, latab`
seen'.

Co' jalé' e jo niguiáb` mi~ nití' í'
laco'gui la dsea` lí^` doñí' ee` 'mi';

¹² jogui nijmée'^ laco' tú- ju' jalé' e jo laco'gui mi~
júng` dsea` coo` 'mi',

jogui nijmisín'^ jalé' e jo laco'gui mi~ jmisíng`
dsea` sí'r^.

Dsu' 'nu'gui, røøb` lin' contøong~, co' ja` sisín'^ jíi`
capí'^,

jogui cajo ja` tóo` jmi~ fa' e ni'ín'.

¹³ Jo jíi` coo` née' ja` cajíng` Fidié` fa' sí'r` jaléng`
ángeles quiá'r- mi~ fé'r` lala:

Ní lí^` lí dsée' laco' guiin~n,

cartí nijmee~e e jaléng` dsea` i` ní' níng` 'nu`
nisí'r` uó- jnir` fí` quini'^ e laco' nijmi'gór` 'nu`.

¹⁴ Jo jaléng` ángeles dsea` jmi'guib` líiñ` i` jmóo` lajíi`
ta~ e iing~ Fidié~, jogui jaléng` íb` cajo i` síng`
Fidié` i` jmicóo` jaléng` dsea` i` cangíng` e nileáiñ`
jee~ jalé' dsee- quiá'r-.

2

*Ja` 'né` jmitúng` dsinaa' e fí` lí` nitée`-naa' cóo`
Dsea` Jmáang`*

¹ Jo co' lajob` líí, joba' eáang`gui guíng` 'né- e
nicuøø' bí` yee`-naa' e nijmi'goo`-naa' lajíi` júu`
e nicajá'- líi`naa' do e laco' ja` ni'náng`naa' lajíi`
fí` guiá- lí` nitée`-naa' cóo` Dsea` Jmáang`. ² Jo
dseáng` røøb` íí` í' jalé' e júu` e cacuø` Fidié`

lami~ jéeng'gui la'eáang' cóo'~ jaléng' ángeles, joba' jaléng' dsea` i ja` cajmi'gó' o'gui cajméer` náu'r` jalé' e júu^ jo, dseáng'- iihuúib' ca'íñ' laco' catíng-.
 3 Jo dseáng'- ja` nileáng'naa' jee~ jalé' iihuúí' e catí'naa' do song jmitúm- bi dsí'naa' e júu^ e cacuø' i Jóor' camíng'~ do e quiá'- jial laang' dsea` jee~ jalé' dsee- quiá'r-. Co' 'ñiab' Fí'naa' dseáng'- cacuø' e júu^ jo la'uii~, jo mi~ cangf'gui lajo, cajme' jneaa~aa' júu^ jaléng' dsea` i canúu- e júu^ jo, jo casí'r- jneaa~aa' e dseáng'- lajob cangojée'.
 4 Jo lajobi Fidiée~ cajo cajméer` e calita~ dsí'naa' e dseáng'- jáb'- e júu^ jo la'eáang' cóo'~ jalé' e lí~ e cajméer` colíng~gui cóo'~ jalé' e 'gøng' e dsigá' dsí' dsea` e quií'~ jmíi' jmóor', jogui cajmée'bir cajo e ta~ dsí'naa' e lajo, co' cacuø'r' jneaa~aa' Jmiguí' quiá'r- lajaang' lajaang'naa' jmaquíng' lí'^ laco' la íaang' dsí'r' 'ñia'r'.

Mi~ calíng- Dsea` Jmaang- jaang` dsea` jmigüi'

5 Jo ja` cacuø' Fidiée~ jaléng' ángeles quiá'r- ta~ fa' e niné- niñ~ lajalé' e sea' fí' jmigüi' lí'^ laco'gui jíi'~ e sii~naa' lana. 6 Dsu' o' lajo, co' lalab fé' fí' ní' jì' quiá'r- lí' fé' jaang' cuaiñ~ quiá'- dsea` jmigüi': Fidiée~, ¿e~ líng' dsea` jmigüi' e laco' eáang' iin' e nijmicóo'~re?, jogui ¿e~ líng' dsea` dsee- dsea` qui' e laco' niné- ní'~re?
 7 Jo lajee~ cateá'ba' cajmée'- e ja'gui niing- dsea` jmigüi' laco' jaléng' ángeles; jo mi~ cangf' jo, cacuø'~re coo' ta~ e jlo'^ e niing-, jogui cajmée'- e cajmi'gó' dsea' ír',
 8 jo cacuø'~re ta~ e cané- nir~ lajalé' e sea' fí' jmigüi'.

Jō mi~ cacuø Fidiée~ e née' ni~ dsea` jmigüi` jalé' e jō, jii~ coo` ja` e caséer' ca' fa' e ja` cané~ niñ~. Dsu' doñi' fa' e cajméer` lajō, dsu' ja` mi' ne`bñi' fa' e ninée' ni~ dsea` dseáng'- laco' si'í'. ⁹ Dsu' e já'-, nine`baa' e Fidiée`bing' cajmeéang` Jesús ja`gui fa' dseáng'- niñ~ laco'gui jaléng'` ángeles lajee` e caliñ~ dsea` jmigüi`. Jō co' eáam' 'neéang` Fidiée` jneaa~aa', jōba' cajméer` e cajúng` Jesús cuaiñ` quí-ii'. Jō la'eéang' cóo~ e iihuí' e cangúng` Jesús mi~ cajúñ~ do, jōba' lana nine`naa' e nicajmée` Fidiée` e dsea` do ca'uiñ~ jaang` dsea` 'gøng' i 'né~ nijmi'gó` jaléng'` dsea` jmigüi` jogui i 'né~ ni-jmiféng'` dsea` cajo.

¹⁰ Jō Fidiéeb` dsea` cajméer` lajalé' e sea` fi' latøng` jmigüi`, jogui la'eéang' cóo~ íbre cajo e sea`bi jalé' e sea`. Jō co' iñ~ e lajaléng'` dsea` i nilíng'` dsea` quiá'r~ niliseeng` cøøng` cóo'r~ lata` fi' ñifi' fi' li~ niing` 'gøñ', jōba' la'eéang' cóo~ e iihuí' e cangúng` Dsea` Jmáang` mi~ cajúñ~, Fidiée` cajméer` e ca'uíng` dsea` do dseáng'- laco' si'í'. Jō lajōba' ca'uíng` Dsea` Jmáang` jaang` i íng` dsee` quiá'- jaléng'` dsea` quiá'r~. ¹¹ Jō cajmée` i Joor` camíng'` do e nilí'naa' dsea` i jō røøng`gui dsee` fi' quini` Fidiée` lí' la líiñ' `ñia'r'; jōba' colíng` cóo~ i Joor` do cajmée` Fidiée` e nilí'naa' lafa' coo`b` sinúu` cóo'r~, co' jaam` Tiquí'naa' niseeng`. Jō uii~ jōba' ja` e i' líng` i Joo' Fidiée` do jii~ coo` e sí'r` jaléng'` dsea` quiá'r~, rú'u, ¹² co' lalab fé'r' fi' ni~ jì quiá'- Fidiée`:

Nifi` i jaléng'` rún'n jial líng'` 'nu`,
jogui ni'øø` quiá'- e jmifén'n 'nu` jee~ jaléng'` dsea`
i seáng'` e jmiféiñ'` 'nu`.

¹³ Jō lalab cajíng'` guir cajo:

Dseáng'- fí jaguó' Fidiéeb' seen-, co' íb' dsea' i quie' nifí quie'-e.

Jogui jím'-biguir cajo lala:

Lab seen- coling~ cóo'~ jaléng' dsea' quie'-e i líng' jóo' o i nicacuøng' Fidié' jnea~.

¹⁴ Jo jaléng' jneaa~aa', dsea' lí'naa' dsea' jmigüí, røøb' sea' ngúu' táang'naa' cóo'~gui jmi'øøng~naa'. Jo lajob cajo mi~ cajá- Jesús fí jmigüí la, seab' ngúu' táaiñ' cóo'~gui jmi'øøiñ- lí' lacogui la líng' dsea' jmigüí. Jo dsea' do ca'uíñ- lajo e lacogui la'eáng' cóo'~ e cajúñ- e líiñ' jaang' dsea' jmigüí, ca'íiñ- bí quia'- fii~ i 'líng' i líng' fii~ quia'- 'mó-. ¹⁵ Jo la'eáng' e nica'íing- Jesús bí quia'- i fii~ i 'líng' do, joba' nica'eám-bre jaléng' dsea' jmigüí i lí' jó' jmi~ táang' fí jmigüí e 'gó'r' nijúuiñ-. ¹⁶ Co' dseáng'- e jáb'- e ja' cajá- Jesús fí jmigüí la e lacogui nijmicóo'r~ jaléng' ángeles, dsu' cajá-bre e lacogui nijmicóo'r~ jaléng' dsea' i líng' siju' 'líi~ yáa~ Abraham. ¹⁷ Jo e lacogui nijmicóo'r~ Jesús jaléng' i dsea' rúíñ' dsea' jmigüí do, joba' la guím' 'né- e ca'uíñ- røøb' lacogui dsea' do. Jo uí'~ lajoba' ca'uíñ- fí quini' Fidié' jaang' jmidsea' i laniing-gui eáng' i ée' røø' lata~ jogui i eáng' fii~ líng- i dsea' rúíñ' dsea' jmigüí do, jogui cajáng' 'ñia'r' e cajúñ- fí dse' crúu' e lacogui ni'íng- jalé' dsee- quia'- dsea' jmigüí. ¹⁸ Jo lí' lacogui cangíng' Jesús jee~ jalé' iihuí' e lacogui nitéiñ' fí ni~ dsee-, dsu' ja' calí- lajo, joba' lana dsea' do nicuøøm' nijmicóo'r~ jneaa~aa' mi~ ngíng'naa' jee~ jalé' e jo e lacogui ja' nijíu'naa' fí ni~ dsee-.

'Gøng'gui Jesús laco' Moi

1 Jo cõ' lajob líí', dsea` rú'naa' dsea` quiá'- Dsea` Jmáang- i nicatõ'- Fidiée` e laco' ni'uíng-na' dsea` quiá'r-, joba' 'né- jmiguiém' áa'na' car` ngocáng` óó'na' e Jesús i casíng` Fidiée` fí' jmigüi la cuaiñ- quiá'r-, ca'uíñ- jaang` jmidsea` i laníng-gui jee` jaléng' jmidsea` e laco' nifé'r' fí' quini` Fidiée` dsea` guíng- fí' ñíff- uii- quí-ii', dsea` já'- líí'naa' júu^ quiá'r-. 2 Jo dseáng'- eáam' røø` ée` Jesús jalé' ta~ e cangüiñ` quiá'- Tiquiá'r^ Fidiée`, jogui røø` ca'ée` Moi` cajo lajüi~ ta~ e cajméer` jee` jaléng' dsea` quiá'- Fidiée`. 3 Dsu' eáang-gui catíng- e nijmi'gó' dsea` Jesús laco'gui Moi` lí'^ laco'gui la líí' quiá'- jaang` dsea` i née' ni` cõõ` sinúu^ eáang-gui catíng- e nijmi'gó' dsea` i dsea` í' laco'gui e 'núu' do 'ñia'. 4 Jo dsea` jmigüi'bing' jmo' jalé' 'núu', jo dsu' Fidiée`bing' i cajmée` lajalé' e sea' fí' la'úng-. 5 Jo dseáng'- røøb` dseáng'- ca'ée` Moi` lajüi~ ta~ e ca'íñ' quiá'- Fidiée` jee` jaléng' dsea` quiá'- dsea` do; jo jalé' ta~ e cajméer` do quiá'- e fé'r' fí' quini` jaléng' dsea` jalé' e nijmé- Fidiée` cøøng-gui. 6 Jo dsu' Dsea` Jmáang- dseáng'- røøb` éer` ta` quiá'r- e líiñ' Jõõ' Fidiée` e née' nir~ dsea` quiá'- Tiquiá'r^ . Jo jnea'^bi dsea` líí'naa' i dsea` quiá'- dsea` do song já'-bi líí'naa' júu^ quiá'r- car` ngocáng` dsí'naa', jogui song sijeeng'naa' e nita~ dsí'naa' e niñíng'naa' lajüi~ e catíng-naa' mi~ nití- í' lajo.

Jial niñíng` dsea` e jmi'tñ' cõõ' Fidiée` laco' ngóõ' jmí~

7 Jo lí'^ laco' fé' fí' ni` jì' quiá'- Fidiée` lí' fé' Jmiguí' quiá'r- lala:
Jo song lana ninúu^na' lajüi~ júu^ quiá'- Fidiée`,

8 joba' ja' jmoo`na' saang` áa`na'
 laco'gui cajmée` dsea` áang' quí`na', dsea` Is-
 rael, mi~ cajméer` saang` dsíir' cóo`~ Fidiée`
 ie~ lamí~ cangir' fí' jee` uó` quiú',
 mi~ cali'iiñ~ caliñir' jial tí' féng' dsí' Fidiée`
 cóo`~ jaléng` dsea` do.

9 Jo fé`bi Fidiée`:

Jo ie~ jo jaléng` ñi~ dsea` áang' quí`na' contøøm-
 cajméer` e cali'iiñ` e caliñir' e su dseáng`-
 já`-ba' e quí`i~i jmi~ e nijmicóo`~ore,
 doñi' fa' lajee` e cangi' jaléng` i dsea` do fí' jee` uó`
 quiú` cangá`bre jalé` e guiú` e quí`i~i jmi~ e
 cajmé` e cóo`r~ lajee` tuló` jii`.

10 Joba' ie~ jo eáam' caliguín`n cóo`~ jaléng` i dsea`
 î jo cafí`ire lala:

“Contøøm` i dsea` quié`-e la ja` mí' ca'íñ` e jnea`
 quiee` nifí' quiá`r`
 o'gui iiñ` e nijmitir` jalé` júu` quié`-e.”

11 Jo co' eáam' siguíñ`n quiá`- jaléng` i dsea` quié`-e
 do,

joba' cacuó`ø júu` quié`-e quiá`- i dsea` do lala:
 “Dseáng`- ja` niñiñ` e nijmi'íñ` e seeíñ` cøøng` cóo`~
 jnea` laco' ngóo' jmi~”.

12 Joba' fíi`guí`'nú', dsea` rú`naa' dsea` quiá`-
 Dsea` Jmáang`-, jmiñiing` óo`na' e laco' jii`~ jaang`
 'nú' ja` nijmée`na' saang` áa`na' cóo`~ Fidiée` e laco'
 nijmitúng`- áa`na' fí' lí` niteáang`-na' cóo`r~, co' jii`~
 dsea` íb` i já' i cuó' e see`-naa' fí' jmi`gúí` la. 13 Co'
 lajee` lana, lajee` e fém`bi dsí' Fidiée`, lí` lí' 'né`-
 e cuó`^gui bí` rúm`ba' laco` jmi~ laco` jmi~ e
 laco' jii`~ jaang` 'nú' ja` nijmi`gøøng` yaang`na' e
 niténg`na' fí' ni~ dsee`, co' fíng song cajmee`na'

lajo, joba' ni'uíng-na' e saam tu'óona' cóo'~ Fidié' jóng. ¹⁴ Jo lata' nilisee-naa' cøong' cóo'~ Dsea' Jmaang- song teá'bi tée-naa' lajii'~ fí' guiá- lí' nitée-naa' cóo'r~ lata' see-naa' fí' jmigüü' la lí' laco'gui nicajmée-naa' latí' mi' uing'.

¹⁵ Jo lalab fé'gui fí' ni' jì' quiá'- Fidié' lí' fé' lala: Jo song lana ninúu'na' júu' quiá'- Fidié',

joba' ja' jmoo'na' saang' áa'na' laco'gui cajmée` dsea` áang' quíi-na' dsea` Israel malii'gui eáang' mi' cajméer` saang' dsíir' cóo'~ Fidié' lajee' cangir' fí' jee' uó' quiá'.

¹⁶ Jo çí' i dsea` i cajmée` saang' dsíi' cóo'~ Fidié' mi' cangí' e canúur- júu' quiá'- dsea' do? Co' jaléng' dsea' Israel i ca'uøong' Moi' fí' Egipto, dsea' íbing' i cajmée` saang' dsíi' cóo'~ Fidié'. ¹⁷ Jogui çí' cóo'~ jaléng' dsea' cajmée` Fidié' guíiñ- lajee' tuló' jii'? Cóo'~ jaléng' i dsea' íb', co' íbing' i cabeáng' dsee- yaang' ie~ jo, joba' cajúñ- tá'- jáiñ' fí' jee' uó' quiá' cartí' cadsém-bre. ¹⁸ Jogui çí' cóo'~ jaléng' dsea' i cacuø' Fidié' júu' quiá'r- e ja' nijmi'íñ' e seeiñ` cøong' cóo'~ dsea' do? Cóo'~ jaléng' íb' cajo, co' ja' cajméer` núu'r~ júu' quiá'- dsea' do. ¹⁹ Jo lajob calilí'naa' e ja' calí' jaléng' i dsea' do fa' e nijmi'íñ' e seeiñ` cøong' cóo'~ Fidié', co' ja' já'- calíñ- júu' quiá'- dsea' do.

4

¹ Joba' fii'guíi' 'nú', dsea' rú'naa', e lajee' e sea'bi fí' quíi' e jmi'íng'naa' e see-naa' cøong' cóo'~ Fidié', joba' lajee' jo 'né- e nijmiñim' dsí'naa' e laco' jii'~ jaang' jneaa~aa' ni'náng'naa' fa' e ja' ni'íng'naa' e jo. ² Co' nicaguiab' dsea' júu' fí' jee' jneaa~aa' quiá'- jial láang' Fidié' dsea' jee' jalé'

dsee- quiá'r- lí^ laco' jii~ júu^ e canúu- jaléng' i dsea` i cangí' fí' jee~ uó~ quiú' do mali~gui eáang'. Dsu' ja` e ta~ calí'íng^ jii~ coo` e jo quiá'- i dsea` í, co' ja` já'- calíñ- e júu^ e canúur- do o'gui calinúu'r~ cajo. ³ Jo dsu' jneaa~guí!, dsea` nijá'- líí! júu^ quiá'r-, niñim`baa' e nijmi'íng'naa' e see- naa' cøong` cóo'~ Fidiée~, jo o' laco' i dsea` i éeng` Fidiée~ fí' ni~ jì' quiá'r- mi~ fé'r` lala:

Jo co' eáam' siguíñ^ quiá'- jaléng' i dsea` i saang` dsí' do,

joba' cacuøø júu^ quié- e quiá'- i dsea` do lala, e dseáng'- ja` niñiñ` e nijmi'íñ' e seeiñ` cøong` cóo'~ jnea~ laco' ngóo' jmí~.

Jo cajíng'- Fidiée~ lajo nañí' fa' cartí' mi~ canaang` uiiñ~ jmígüí'ba' catáíñ' jalé' ta~ quiá'r- e cajméer` latøong~ jmígüí'. ⁴ Co' nine~baa' e lajalé'ba' ninée' guiá- quiá'- Fidiée~ lami~ uiing~ lí^ laco' la fé' fí' ni~ jì' quiá'r- lí^ fé' lala:

Jo lajee~ jñúu- jmí~ catób' jalé' ta~ quiá'- Fidiée~, joba' cajmi'ím'bre mi~ catí' e jmí~ guié- do.

⁵ Jo lalab cajíng'-gui Fidiée~ cajo fí' ni~ jì' quiá'r- cuaiñ~ quiá'- jaléng' i dsea` i cajmée` saang` dsí' cóo'r~ do:

Ja` niñíng' i dsea` na e nijmi'íñ' e seeiñ` cøong` cóo'~ jnea~ laco' ngóo' jmí~.

⁶ Jo jaléng' i dsea` i canúu- lami~ jéeng'gui júu^ quiá'- Fidiée~ e quiá'- jial laang` dsea` jee~ jalé' dsee- quiá'r-, dsu' ja` cangíñ` e seeiñ` cøong` cóo'~ Fidiée~, co' saam` dsíir' cajméer` cóo'~ dsea` do. Dsu' latí' lana tí'bi e ni'íng' dsea` e jo, co' cuø'bi Fidiée~ fí' e nijmi'íng' dsea` cóo'r~. ⁷ Jo co' lajob lí', joba' Fidiée~ nicatéer` coo'gui jmí~ lí' lí^ dsea` e ni'íñ' e seeiñ` cøong` cóo'~ dsea` do, jo e jmí~ job lí' lana.

Cō' Fidiée˘ nicasí'r- jneaa~aa' la'eáang' cōo'~ júu˘ quiá'r- e cajme' dseata~ Daví'^ fí' ni~ jì' ie~ lamí~ casúung- jmíguiá' jii' e cajmée` dsea` Israel saang' dsíir' cōo'~ Fidiée˘:

Jō song lana ninúu^na' lajii'~ júu˘ quiá'- Fidiée˘,
 jōba' ja` jmoo`na' saang` áa`na' cōo'~ dsea` do.
 8 Cō' faco' 'lii~ yúu' Josué cacuø'r' dsea` góor` dsea` Israel fí' e nijmi'íñ' ie~ jō lí'^ laco'gui cajíng'- Fidiée˘ lamí~ jéeng'gui e nicuø'~reiñ', jōba' ja` ee` ta~ café' Fidiée˘ e nilisea` cōo'gui jmii~ e nijmi'íng' dsea` lana faco' lajō. 9 Jō cō' lajōb líí', jōba' sea`bì fí' e niñíng` ì dsea` ì nijá'- líng' júu˘ quiá'- Fidiée˘ e nijmi'íñ' e seeiñ` cøøng` cōo'~ dsea` do. 10 Cō' jaléng' dsea` ì ngíng` e nijmi'íñ' e seeiñ` cøøng` cōo'~ Fidiée˘, jōba' nijmi'íñ' e nicatáíñ' jalé' e 'né- jmér- lí'^ laco'gui cajmi'íng' Fidiée˘ mi~ cangí e catáíñ' ta~ quiá'r- e cajméer` latøøng- jmíguí. 11 Jōba' 'né- e nicuøø'~bì bí yee~naa' e laco' niñíng`naa' e nijmi'íng'naa' e see~naa' cøøng` cōo'~ Fidiée˘ e laco' jii'~ jaang` jneaa~aa' ja` nijmó^oo' laco'gui cajmée` ì dsea` Israel do ie~ malií~gui do mi~ ja` já'- caliíñ- júu˘ quiá'- Fidiée˘ o'gui calináa'r- e júu˘ quiá'- dsea` do cajo.

12 Cō' eáam' 'gøøng' júu˘ quiá'- Fidiée˘ jōgui cuø' e seeng` dsea`. Jō eáang'gui jlo'^ bí quiá'- jōgui íng-gui ta~ cajo laco'gui cōo' ñisú' e 'mé- lajì tú- taang', jōgui cuø' e ngáng' dsea` jial laco' catíng- e í dsíir' fí' dsíir' jōgui jial e í dsíir' cōo'~ jmíguí quiá'r-; jōgui cuø' e liñí dsea` su guiá- osi ja` dseeng` jalé' e í dsíir' jōgui su guiá- osi ja` dseeng` jalé' e iíñ~ nijmér-. 13 Jō jii'~ cōo' e sea' fí' la'úng- fí' jmíguí lí' meá- dsea` e ja` ní' Fidiée˘ osi e ja` jøø- é,

co' jaléb' e jmoo⁻naa' niñir' jogui nijóø⁻ cajo, jogui dseáng' fí quini⁻bre cajo li⁻ ni'í' í' røø' quí⁻ii' mi⁻ nití' í' lajo.

Jesús láiñ' jmidsea`dsea`féng' i laniing`gui

¹⁴ Jo co' Jesús dsea` láiñ' Jóo' Fidiée⁻ i camúng' do, jogui íb` cajo i jmidsea` dsea` féng' i laniing`gui do quí⁻ii', jo íb` dsea` i nicangáng' tu fí ñifí⁻ fí li⁻ guing⁻ Tiquiá'r^ Fidiée⁻, joba' 'né⁻ e tée⁻naa' teá' fí guíá⁻ li⁻ nitée⁻naa' e já⁻ lí⁻naa' júu⁻ quiá⁻ dsea` do. ¹⁵ Jo i jmidsea` dsea` féng' i laniing`gui quí⁻ii' do quí⁻bre jmí⁻ e nilí' fí⁻ láiñ' jneaa`aa', dsuco' niñi⁻bre jial dseáng' huúng' see⁻naa' fí jmigüí⁻ la e ja` nité⁻naa' fí ni⁻ dsee⁻. Co' dsea` í cajo cangám⁻bre jee⁻ jalé⁻ iihuú⁻ lajee⁻ cateáaiñ' fí jmigüí⁻ la, lifa' ír` jíí⁻ coo` dsee⁻ ja` ca'éer. ¹⁶ Jo uíí⁻ e lajob líí, joba' nita⁻ dsí⁻naa' e nidsiquiéeng⁻naa' fí quini⁻ ée⁻ li⁻ guing⁻ Fidiée⁻ e laco' nilí' fí⁻ láiñ' jneaa`aa' jogui e laco' nijmicoo⁻r⁻ jneaa`aa' mi⁻ dseáng' 'né⁻ quí⁻ii' lajo; dsuco' i dsea` í eáng' 'neáaiñ' jneaa`aa' jogui dsíng⁻ eáng' guíúíñ⁻ cóo⁻ jneaa`aa' cajo.

5

¹ Jo jee⁻ jaléng' dsea` jmigüíb⁻ li⁻ 'náang' dsea` jaléng' jmidsea` laniing⁻ e laco' ni'é⁻r ta⁻ quie' júu⁻ quiá⁻ jaléng' dsea` do fí quini⁻ Fidiée⁻, jogui e niguiár⁻ guíá⁻ jalé⁻ feá⁻ e nicuó⁻r⁻ Fidiée⁻, jogui e nijngáiñ⁻ jaléng' jó⁻ i catúng⁻ dsea` do e laco' ni'íng⁻ dsee⁻ quiá⁻ jaléng' i dsea` do. ² Jo co' jaléng' i jmidsea` do ñi⁻bre jial huúng' e ja` niténg' dsea' fí ni⁻ dsee⁻, joba' tím⁻bre e nilí' fí⁻ láiñ' jaléng' i dsea` i ja` ñí' e dseeb⁻ éer` cóo⁻ jalé⁻ e

jmóor` do; ³ jo co' dsea` dsee` dsea` quib' líng' jaléng` i jmidsea` do, joba' 'né` líng` e fea'` niji'r` fi' quini` Fidiée` e laco' ni'líng` dsee` quiá'r` yaaiñ` jogui jalé'` dsee` quiá'` jaléng` dsea` caguaang` gui cajo. ⁴ Jo jíi'` jaang` dsea` cuøøng` lí jmeáng'` ñia'r' e ni'é'r` e ta` 'goo` la e ni'uíñ` jaang` jmidsea` laniing` , co' Fidiée`bing' 'náang` dsea` e laco' ni'é'r` e ta` 'goo` jo lí` laco'gui cajmée` Fidiée` cóo' i jmidsea` la'uii` i caliséng` malii`gui eáang` i calisí Aarón. ⁵ Jo lajob líi' cajo cóo'` Dsea` Jmáang` , co' o' ñia'r' dsea` ca'náng` 'ñia'r' e ni'é'r` e ta` 'goo` jo e ca'uíñ` jmidsea` dsea` féng' i laniing`-gui, dsuco' Fidiée`bing' i ca'náng` ír' e ni'é'r` e ta` 'goo` jo car` ngongíi` jmii` , co' 'ñiab' Fidiée` dsea` cajíñ` lala malii`gui eáang`:

'Nab` dseáng'` lin' Jóo`o;

jogui jmii` na jneab` dseáng'` lín'n Tiquíi' cajo.

⁶ Jo cajím'` biguir cajo fi' ni` jì quiá'r` mi` cajíñ'` casí'r` i Joor` Dsea` Jmáang` do lala:

Jo car` ngongíi` jmii`b` óo'` ta` e lin' jmidsea` dsea` féng' i laniing`-gui,

lí` laco' calíng` i jmidsea` i sií` Melquisedec ie` malii`gui do.

⁷ Jo lajee` cateáang` Dsea` Jmáang` fi' jmigüi` la, eáam' teá` caféiñ` Fidiée` jogui camí'r' dsea` do e ngocáng` dsír' carji` qui'bre e quíi` dsea` do jmii` e nileáng`-neiñ' fi' ni` 'mó'; jo uii'` e cajmiti` Dsea` Jmáang` car` ngocáng` dsír' lajii'` e iing` Fidiée` , joba' jáb'` canúu` dsea` do lajii'` júu` quiá'r` . ⁸ Jo doñi' fa' e Dsea` Jmáang` líiñ` dseáng'` i Joo' Fidiée` camíng'` do, dsu' dseáng'` 'né`-ba' e cangongíiñ`

jalé' e iihuú' do e laco' calilí'r^ jial 'né- jmér- núu'r~ mi~ quiuá' Tiquiá'r^ ta~ lajō. ⁹ Jō mi~ ca'uiñ- dseáng'- laco' jii' e si'íñ^ quiá'- Tiquiá'r^ Fidié', joba' nicuóøng` leáiñ- lata~ jee~ jalé' dsee- jaléng' i dsea` i jmóo` lajii' e iing~ dsea` do. ¹⁰ Joba' Fidié' ca'náaiñ- dsea` do e oor` ta~ 'goo` e líiñ` jmidsea` dsea` féng' i laniing- gui lí'^ laco'gui calíng- i jmidsea` i sii` Melquisedec ie~ mali~gui do.

Jial dseáng' e nilitúng- dsí' dsea` cóo' júu^ quiá'- Dsea` Jmáang-

¹¹ Jō jmiguiú'bi jalé' e ii~naa' e nisí'~guí' 'nú' uii~ quiá'- jalé' júu^ e nicasi~naa' na, lifa' huú'm`jiu qui~naa' e ni'ée^naa' 'nú' e júu^ jō, cō' eáam` tá'-jiu ngáng' 'nú' e júu^ jō. ¹² Jō ningóob' eáang' e ca'íing'~ 'nú' júu^ quiá'- Dsea` Jmáang-, joba' lana nidsi~ í' e nilíng'na' tifab' quiá'- e júu^ jō; dsu' lí'^ riquib' lí' quí'~ 'nú' lana, cō' 'nú' ni'neáng-tu' jaang` tifab' i ni'é'-tu' 'nú' jalé' júu^ quiá'- Fidié' e nicanúu'na' lamí~jéeng'gui. Cō' lanagui eáam` jō` teá` teáang-na' cóo'~ júu^ quiá'- Dsea` Jmáang-, cō' nilíng'na' lafa' yuu' pí'^ e jmang'^ fib' iing~na' u^na', jō ja` iing~na' cø'^na' laco' gø' dsea` cøøng'-. ¹³ Jō jaléng' dsea` i líng' lafa' yuu' pí'^ i i' jmang'^ fi', lajob líng' jaléng' dsea` i ja` lí' gui' su guiá- osi ja` dseeng` jalé' e jmóor` do. ¹⁴ Dsu' jaléng' i líng' laco' dsea` cøøng'~, lafa' jmiñib` túng` í' gø'r, cō' í'bing' nitúng' gui' e e guiá- jōgui e e ja` dseeng', jō nisítím`bre e jmóor` jii' e guiá-.

6

¹ Joba' fi~guí' 'nú', dsea` rú'naa' dsea` quiá'- Dsea` Jmáang-, matéé^guí' fi' guiá- lí~ nitée^naa'

cartí ni'uíng⁻naa' dseáng⁻ laco' s'í' fí' quini[~] Fidié[~]. Jo ja' jmitú'túu' lajii[~] júu[^] tii⁻ fii⁻ quiá⁻ Dsea⁻ Jmáang⁻ e caná[^]naa' la'uii⁻ do quiá⁻ jial quí⁻ jíng[^] yaang[~] dsea⁻ fí' quini[~] Fidié[~] jogui⁻ quiá⁻ jial mi[~] tú⁻ dsea⁻ jalé[^] e 'li[^] e si' jii[~] fí' 'mó⁻, jogui⁻ jial já⁻ líng[^] dsea⁻ júu[^] quiá⁻ Fidié[~], ² osi⁻ jial mi[~] saang[^] dsea⁻ jmii⁻, osi⁻ e[~] uing[~] mi[~] quidsí⁻ dsea⁻ guóor[^] fí' yú[^] mogui[~] jaléng[^] dsea⁻ quiá⁻ Dsea⁻ Jmáang⁻, osi⁻ jial líí⁻ mi[~] nijí[^] tú⁻ jaléng[^] dsea⁻ quiá⁻ Dsea⁻ Jmáang⁻ i⁻ nicajúng⁻, osi⁻ jial mi[~] niquidsí⁻ Fidié[~] í⁻ quiá⁻ jaléng[^] dsea⁻ cóo[^] jalé[^] dsee⁻ e nica'éer⁻. ³ Jo majmó[^]guí[^] bí⁻ e ni'uíng⁻naa' dsea⁻ quiá⁻ Dsea⁻ Jmáang⁻ dseáng⁻ laco' s'í' lí[^] jialco[^] iing[~] Fidié[~] e nilí⁻naa'.

⁴ Jo jaléng[^] i⁻ dsea⁻ i⁻ cangíng[^] quiá⁻ Fidié[~] e nijá⁻ calíñ⁻ júu[^] quiá⁻ Dsea⁻ Jmáang⁻, jogui⁻ e nicajmi'iaang[^] dsír[^] cóo[^] lajalé[^] e guiá⁻ e nicajmée⁻ Fidié[~] cóo[^]r⁻, jogui⁻ e nica'íñ⁻ lajii[~] e cuø⁻ jmiguí⁻ quiá⁻ dsea⁻ do, ⁵ jogui⁻ e niñi[^]bre jial tíí⁻ dseáng[^] guiá⁻ e júu[^] quiá⁻ Fidié[~] jogui⁻ jial tíí⁻ 'gøng[^] e jmigüi⁻ 'mii⁻ e nilisea⁻ ie[~] jo, ⁶ jo jaléng[^] i⁻ dsea⁻ i⁻ ca'íng[^] jalé[^] e na, jo dsu⁻ mi[~] cangí[^] jo, catú[^]tur lajii[~] e nica'íñ⁻ do, joba⁻ jo⁻ quí[^] jmii⁻ jóng⁻ e niquí⁻ jíng[^] tú⁻ yaaiñ⁻ fí' quini[~] Fidié[~], có[^] fíng song jmóor⁻ lajo, joba⁻ líí⁻ lafa⁻ e í⁻bre niteáng⁻ tú⁻ i⁻ Jóo⁻ Fidié[~] camíng[^] do fí' dse⁻ crúu[^] calé[^] catú⁻, có[^] fíng song jmóor⁻ lajo, joba⁻ niløng⁻ tú⁻ dsea⁻ do jóng. ⁷ Jo jaléng[^] dsea⁻ i⁻ ca'íng[^] júu[^] quiá⁻ Dsea⁻ Jmáang⁻ do, jo mi[~] cangí[^] jo catú[^]tur fí' teáaiñ⁻, joba⁻ i⁻ dsea⁻ í⁻ líiñ⁻ lá líí⁻ cóo[^] guóo[^] uø⁻ e ca'íng[^] jalé[^] jmii⁻ e tuu⁻; jo mi[~] niró[^] jalé[^] e cangojnea[~] e fí' ni⁻ guóo[^] uø⁻ do, joguib⁻ nilí[^]íng[^] ta[~] quiá⁻ i⁻ dsea⁻ i⁻ cajní⁻ do; ⁸ jo dsu⁻

song e fi' ni~ guóo'~ uó~ do ca'iaang` lajii'~ 'matóo' cõo'~ gui'jalé' onuu` guí~ , joba' ja` e ta` íng` jii'~ cõo' e uó~ do jóng; joba' lí' lafa' e tí' lí~ nijéb'~ Fidiéé` e güeang`^ quiá'r~ e cata'r` e fi' ni~ guóo'~ uó~ do, jo ni'íim~ cartí' nicó`.

E lab e júu^ e cuø' ta~ dsí' e tée~naa' teá' fi' guiá~ cõo'~ Dsea` Jmáang~

⁹ Dsea` rú'naa' dsea` quiá'- Dsea` Jmáang~ i 'neáan`n eáang', dsu' doñí' fa' e nicafíi~ i 'nú' cõo'~ e júu^ jo, dsu' ofa' nicafá'-a uii~ quií'na', co' eám' nita~ dsii~ e dseáng'- teáb` teáang~na' fi' guiá~ cõo'~ Dsea` Jmáang~ e nileáng~na' jee~ jalé' dsee~ quií'na'. ¹⁰ Jo dseáng'- eám' guiúng~ Fidiéé`, joba' ja` quí'~ jmii~ fa' e ni'íng~ dsíir' jalé' e guiá~ e nicajmee~ 'nú' e nicajmicõo'~na' jaléng` dsea` rúng'na' dsea` quiá'- Dsea` Jmáang~ jogui e nicajmi'neáang~na' jaléng` î cajo lí' laco'gui la jmoo'na' lana. ¹¹ Jo ii~naa' e lajaang` lajaang` 'nú' jmée^bi' e íaang` óo'na' e jmicõo'~ rúng'na' lata~ seeng~na', jo lajoba' niñíng~na' lajii'~ e nisijeeng~na' e catíng~na' e nicuó'- Fidiéé` 'nú' mi~ nití~ í' lajo. ¹² Jo ja` ii~naa' e 'nú' nijmée^na' fíng'-na' e fi' guiá~ lí~ niteáang~na' cõo'~ Dsea` Jmáang~, co' lí'^ lí' 'né~ e 'nú' nijmée^na' laco'gui la jmoo' jaléng` i dsea` i já'- líng` júu^ quiá'- Dsea` Jmáang~ e ja` litúng~ dsíir' doñí' ee` dsijée' fi' lí~ nicasíng` yaaiñ~, jo la'eáang` e joba' e nidsijée' guiá~ quiá'r~ e ninaaiñ` íñ' lajii'~ e catíiñ~ e nicajíng'- Fidiéé` e nicuó'-reiñ' lamí~ jéeng`gui.

Lajii'~ júu^ e cacuø' Fidiéé` jaléng` dsea` quiá'r~

¹³ Jo ie~ malii~ gui eáang` Fidiéé` cacuø'r` 'líi~ yáa' Abraham júu^ quiá'r~, jo e jo dseáng'- cajmitir~

'ñia'r', co' ja` iì seeng` i 'gøng'gui laco' ír` i nicuø'r-
 júu^ quiá'r- 'ñia'r'. ¹⁴ Jo e lab júu^ e cacuø'r' dsea` do
 ie` jo mi~ cajíñ'- lala: "E jáb'-, jneab~ nijmigüean`n
 'nu` jogui nijmee~e e niliseeng` i 'leáang- dsea`
 sijú'." ¹⁵ Jo mi~ ca'ing` 'lii~ yúu~ Abraham e júu^
 jo, joba' cajéem`bre e féng' dsíir' e nijmiti~ Fidiée`
 lajúi~ e nicajíñ'-; jo mi~ cangî` jo, ca'ím' 'lii~ yúu~
 Abraham lajúi~ e nicajíng'- Fidiée` e nicuø'r'-reiñ'
 lami~ jéeng'gui do. ¹⁶ Co' mi~ cuø' doñi` iì dsea` júu^
 quiá'r- e lîng~ e nijmitir~, joba' e jo jmóor' fí quini`
 jaang`gui dsea` i niing-`gui laco' ír`. Jo mi~ cuø'
 dsea` júu^ quiá'r- fí quini` jaang` dsea` i niing-`gui,
 joba' la guím` 'né- nijmitir~ e júu^ quiá'r- do. ¹⁷ Jo
 co' Fidiée` cali'iiñ~ e cacuø'r' júu^ quiá'r- condséeb'
 fí quini` jaléng` i dsea` i nisi'íing` e ni'íng` jalé`
 e nicajíñ'- lami~ jéeng'gui e nicuø'r'-reiñ' do, joba'
 cacuø'r' júu^ quiá'r- fí quinir` 'ñia'r' e ja` quí'- jmiñ`
 fa' e nijgiéeng-`gui lajúi~ e nicajíñ'- lami~ jéeng'gui
 e nicuø'r' jaléng` dsea`, jogui dseáng'- 'né- e guiab`
 dsíir' e nijmitir~ jalé' e jo e ja` jmisíiñ-` jii'~ coo`.
¹⁸ Jo la'eáang' cóo'~ e tú- íng'~ júu^ na e cacuø'
 Fidiée` e ja` jmisíiñ-` jii'~ coo` jogui e já'- lí' cajo,
 co' dseáng'- ja` quie`bre júu^ adsee`, joba' la'eáang'
 cóo'~ e tú- íng'~ júu^ na nitab~ dsì'naa' e íbre
 nito' fíiñ` jneaa~aa', jogui nisitab` dsì'naa' cajo
 e ni'íng'~naa' lajúi~ e catí~naa' e sijeeng`naa' e
 nicuø'r- jneaa~aa' lí' laco'gui jii'~ júu^ e nicacuø'r'
 jneaa~aa' lami~ jéeng'gui. ¹⁹ Jo la'eáang' cóo'~ e
 júu^ ta` dsíir' na nitée-`naa' teá' fí guiá- cóo'~ Dsea`
 Jmáang- jogui nitab~ dsì'naa' cóo'~ dsea` do cajo; jo
 e jo lí' lafa' 'lo'` ñí' quiá'- coo` móo' e quíng' dsea`
 teá' fí 'ni' jmiñí'^ e laco' nijé-`tii- e móo' do. Jo

nítab~ dsi'naa' cóo~ Jesús, jo íb` dsea` ì nìcangíng' fí lafa' 'mí' e íí, joguì lana dob guiñ~ fí lí~ laniing~ 'gøng' quíá~ Fidié~ fí ñífi~. ²⁰ Co' job e fí e caneáa' Jesús lami~ jéeng'gui e laco' cuøøng` e niguié!~ naa' dseáng'~ fí quini` ée^ lí~ guing~ Fidié~, jo lajoba' cangíñ` e óor` ta~ 'goo` e ca'uíñ~ ì jmidsea` dsea` féng' ì laniing~gui quí~ii' car` ngongí~ jmí~ lí^ laco'gui calíng~ ì jmidsea` ì sií Melquisedec ie~ malí~gui do.

7

Jesús líñ` ì jmidsea` dsea` féng' ì laniing~gui lí^ laco'gui la calíng~Melquisedec

¹ Jo ì Melquisedec na calíñ~ dseata~ dsea` féng' fí coo` fí e calisí Salem ie~ lami~ jéeng'gui eáang', joguì calíñ~ cajo jmidsea` laniing~ quíá~ Fidié~ dsea` guing~ ñífi~. Jo ie~ jo ì 'lí~ yúu~ quí~ii' Abraham do ní'uuiñ~ fí e jaiñ' fí lí~ cangór~ fí jee~ 'nií fí lí~ calí'r~ jaléng' dseata~ dsea` féng' ì seeng' fí fí lí~ jíé'; jo lajee~ job cangó~ Melquisedec e cangojmíjng'neiñ' jo cajmigüeam'^bre cajo; ² jo mí~ cangí e jo, ì yúu~ Abraham do cacuø'r ì Melquisedec do coo` lajee~ guí~ íng'~ jalé' e calí'r~ jee~ e 'nií do. Jo ì Melquisedec la guøng' "jaang` dseata~ dsea` féng' ì í~ í' laco' catíng~"; joguì co' líñ` dseata~ dsea` féng' quíá~ e fí do e sií Salem e guøng' "juguí~ júu^ røø", joba' cajo sií bre "jaang` dseata~ dsea` féng' ì quíe' juguí~ júu^ røø". ³ Jo jíí~ coo` ja` e ñí dsea` quíá~ ì Melquisedec do fa' ì calíng~ níquíá'r^ joguì ì calíng~ tíquíá'r^ joguì ì jaléng' 'lí~ dsea` cóøng' quíá'r~ caguiaang~gui cajo; o'gui ñí dsea` lí~ cangáang' ì Melquisedec do

o'gui lí~ cajúíñ~. Jo latab~ lííñ' jmidsea` laniing~ lí^ laco'gui la líng' í Joo' Fidiée' camíng'~ do e latab~ lííñ' jmidsea` dsea` féng' í laniing~ gui.

4 Jo lana quie`na' cuante, dsea` rú'naa', jial tí' laniing~ calíng~ í Melquisedec do e j'gui 'lí~ yáú~ quí~ii' Abraham cacuø'r' dsea` do coo` lajee' guí~ íng'~ quíá~' lajalé' e calí'r~ jee~ 'nií' mí~ catííñ' cóo~' jaléng' dseata~ dsea` féng'. 5 Jo lí^ laco'gui la fé' e júu^ quíú' ta~ e casée' Moi~ malí~ gui eáang' e lajii~ dsea` í teáang'~ jee~ 'lé' dsea` Israel í sii' Levíbing' cuøng` líng' jmidsea`, jo lajii~ dsea` í'bing' í sea' fí' quíá~' í ní'ng' quíá~' jaléng' dsea` góor` coo` lajee' guí~ íng'~ lajalé' e sea' quíáíñ', doñí' fa' e jaléng' í dsea` do lííñ' dsea` síju' 'lí~ yáú~ Abraham lí^ laco'gui la lííñ' yaaiñ~ cajo. 6 Jo dsu' í Melquisedec do ja' lííñ' dsea' síju' 'lí~ yáú~ Leví, dsu' ca'ím'bre coo` lajee' guí~ íng'~ quíá~' lajalé' e calí~' lí~ yáú~ Abraham, jogui cajmigüeam'^bre cajo. Jogui téé' óo'na' cajo e í 'lí~ yáú~ Abraham dobing' í ca'íng' jalé' júu^ lajii~ e cajíng' Fidiée' e nicuø' reiñ'. 7 Jo jii~ jaang` ja' cuøng` jíng' e o' lajo e júu^ la: Niing~gui jaang` dsea` í jmigüeam'^ jaang` dsea` rúng' laco'gui í dsea` í jmigüeam'^ ír` do. 8 Jo jaléng' jmidsea` quíá~' dsea` Israel lííñ' síju' quíá~' 'lí~ yáú~ Leví, jo ím'bre quíá~' dsea` góor` coo` lajee' guí~ íng'~ quíá~' lajalé'; jo dsu' mí~ nití~ í' e nijúúíñ~, joba' júum~bre jóng lí^ laco'gui doñí' ii' dsea' jmigüí; jo dsu' lí^ laco' fé' fí' ní~ jì' quíá~' Fidiée' e lafa' seem`bì í Melquisedec do latí' lana. 9 Joba' laco' cuøng` fe'ee' e jaléng' jmidsea` í líng' dsea' síju' Leví, dsea' í'bing' íng' lana lajii~ e coo` lajee' guí~ íng'~ e catííñ' do, jo lí' lafa' e caquíb'

jaléng^h i jmidsea` do e jo e catíng⁻ i Melquisedec do ie[~] lamí[~] caquí^í yáú^h Abraham quiá⁻ dsea` do. ¹⁰ Jo e jáb⁻, ja[~] mí^í calisé^mbi i Leví do ie[~] jo ie[~] lamí[~] cacuø^h Abraham i Melquisedec do coø^o lajee[~] guí⁻ íng^h lají^í e catí^íñ⁻ do; dsu^h cuøøng^h fe^hee^h e jobi lafa^h ní^íquie^í Abraham mijú^h quiá⁻ jaléng^h dsea^h sijur[~] i ní^íliseeng^h cøøng^hgui, co^í i Leví do lí^íñ^h jaang^h dsea^h siju[~] dsea` do.

¹¹ Jo jaléng^h dsea` Israel cangí^íñ^h jalé^h e júu^h quiu^h ta[~] quiá⁻ Fidié^h la'eáang^h có^o jaléng^h jmidsea` i líng^h dsea^h siju[~] Aarón i líng^h siju[~] yáú^h Leví do cajo. Jo faco^í e ta[~] e cajmé^e jaléng^h i jmidsea` do íng^h ta[~] e íng⁻ dsee⁻ e laco^í liguiúng⁻ dsea^h fí^í quini^h Fidié^h, joba^h ja[~] 'neáng⁻ jmidsea` i jíéng^hgui faco^í lajo; dsu^h dseáng⁻ la guí^m 'neáng⁻ jaang^hgui jmidsea` lí^h laco^í calíng⁻ Melquisedec, jo o^í laco^í líng^h i jmidsea` siju[~] Aarón do. ¹² Co^í mí^í jmí^sng⁻ dsea^h lají^í ta[~] óo^h jmidsea`, joba^h 'né⁻ jmí^sm⁻bre cajo lají^í e júu^h quiu^h ta[~] quiá⁻r. ¹³ Jo uii[~] quiá⁻ Fí^ínaa^h fé^h fí^í ní^í jí^í quiá⁻ Fidié^h e dsea^h í lí^íñ^h siju[~] quiá⁻ coø^ogui 'lé^h dsea^h quiá⁻ dsea` Israel; jo jí^í jaang^h dsea^h ja[~] i mí^í calíng^h jmidsea^h fí^í jee[~] e 'lé^h jo lamí[~] jééng^hgui. ¹⁴ Jo ní^ítab[~] dsí^ínaa^h e Fí^ínaa^h Dsea^h Jmáang⁻ cajár⁻ fí^í jee[~] 'lé^h dsea^h Israel i sií^h Judá, jo ja[~] cajár⁻ fí^í jee[~] 'lé^h dsea^h Israel i sií^h Leví; jogui ní^íne^hbí^í røø^h cajo e Moi^í ja[~] cají^í jí^í coø^o uii[~] quiá⁻ e 'lé^h dsea^h Judá do ie[~] lamí[~] café^hr uii[~] quiá⁻ jaléng^h jmidsea`.

¹⁵ Jo eáang^hgui ní^íta[~] dsí^ínaa^h røø^h lana có^o jalé^h e ní^ícafá^h a na, co^í ní^ícagüém⁻ i jmidsea` dsea^h féng^h i laniíng⁻gui do i cøøng^h laco^í i jmidsea` Melquisedec do, jogui i quí^íng^h jee[~] 'lé^h lí^h jí^í laco^ígui jee[~]

'lé' dsea` Leví. ¹⁶ Jo Fí'naa' calíñ` jmidsea` dsea` féng' i laniing`gui dsu' o' uí'~ laco' ta` huí' e 'né` güi'fir' jee` dsea` siju` quiá'- dsea` Leví, co' calm`bre jmidsea` dsea` féng' i laniing`gui dsu' la'eáng' cóo'~ e 'gøng' quiá'- e seeñ` do e ja` tóo` jmí~ ni'íng`. ¹⁷ Co' lalab fé' Fidié` fí' ni` jì quiá'r` e éeiñ` dsea` do:

Jo car` ngongí~ jmíib~ oo'- ta` e lin' jmidsea` dsea` féng' i laniing`gui
 lí' laco' calíng` i jmidsea` i siì Melquisedec ie` malí~ gui do.

¹⁸ Jo Fidié` cab' caguiar' jalé' e júu^ quiu' ta` e cacuø'r' Moi~, co' e júu^ jo jo` ta` íng` jogui jo` bí` sea` quiá'- cajo' fa' e nijmé` e nileáng` dsea` jee` jalé' dsee` quiá'r`. ¹⁹ Jo jalé' e júu^ quiu' ta` e calíng' Moi` ie` lami` jéeng`gui do ja` caquí~ jmí~ fa' e cajmée` e caliséng` dsea` cøøng` cóo'~ Fidié` dseáng'- laco' sí'í'. Jo dsu' lana nisea` cóo` e nita` dsí'naa' e 'gøng'gui e laco' nijmicóo'~ jneaa`aa' e niñíng`na' e nilisee`naa' cøøng` cóo'~ Fidié`.

²⁰ Jogui cajo Fidié` cacuø'r' júu^ ta` dsí' quiá'- e júu^ jo la'eáng' cóo'~ júu^ quiá'r` e cacuø'r' 'ñia'r' ie` lami` cajíñ'- e Jesús ni'uíñ` jmidsea` dsea` féng' i laniing`gui. Dsu' i jmidsea` caguiaang`gui do ja` cacuø'r' Fidié` júu^ quiá'r` 'ñia'r' e ni'uíñ'- do lajo. ²¹ Jo Fí'naa' Jesús ca'uíñ` jmidsea` dsea` féng' i laniing`gui uí'~ e cacuø' Fidié` júu^ quiá'r` 'ñia'r' lí' laco' la fé' fí' ni` jì quiá'r` lí' fé' lala:

Fí'naa' cacuø'r' júu^ quiá'r` 'ñia'r' e 'né` niliti`
 jo ja` quí'~ jmí~ fa' e nijgiéng`gui e júu^ jo.

Co' lalab fé' cuaiñ` quiá'- i Jóor' camíng'~ do:

“Car` ngongí` jmiib` líng` 'nà` jmidsea` dsea` féng`
 i` laniing`-gui lí`^ laco` la líng` i` Melquisedec
 do.”

22 Jo co` Fidié` cacuør` e júu` quiá`r`-` ñia`r` do, joba`
 nitaa`-dsi`naa` e Jesús tíi` nir` e júu` tigua` catí` tú`-
 do e 'gøng`-gui laco`-gui júu` e cacuør` Fidié` lami`
 jéeng`-gui do. 23 Jo jaléng` i` jmidsea` caguiaang`-gui
 do cajúm`-bre mi` catí` oor` quiá`r`-, joba` i` jiém`
 caguá` ée`^ quiá`r`-. 24 Jo dsu` Jesús latab` seeiñ`,
 joba` latab` líiñ` jmidsea` dsea` féng` i` laniing`-gui,
 jo uii` joba` jo` 'neáng`-gui jmidsea` i` jiéng`-gui i`
 ni`líng` ée`^ quiá`r`-. 25 Jo co` lajob` líng` Jesús, joba`
 la'eáang` íbre cuøøng` e leáiñ`-jaléng` dsea` jee`
 jalé` dsee`-quiáiñ`-lata` e laco` niliseeiñ` cøøng`
 cóo`-Fidié`, co` car` ngongí` jmiib` seeiñ` e laco`
 mi`r` Fidié` cuaiñ` quiá`-jaléng` dsea`.

26 Joba` Jesús líiñ` dseáng`- i` jmidsea` dsea` féng`
 i` laniing`-gui do i` 'neáng`-naa` do, co` íbre dsea`
 caneáar` fí` e laco` cuøøng` nilisee`-naa` cøøng` cóo`-
 Fidié`. Jo dseáng`- dsea` güeam`^ líng` dsea` do fí`
 quini` Fidié`, jo jíi`- cóo` dsee`-ja` táaiñ`, jogui` ja`
 líiñ` laco` la líng` dsea` dsee`-dsea` qui`. Jo lana
 dob` niguiiñ` fí` ñiff`-lí` lí` dsée` ée`^ laco` guiing`
 Tiquiá`r` Fidié`. 27 Jo Jesús ja` líiñ` laco`-gui i` jmid-
 sea` caguiaang`-gui i` caliséng` lami` jéeng`-gui do,
 co` jaléng` jmidsea` í lacoø` jmiib` lacoø` jmiib` 'né`-
 jngáiñ`-jaléng` jó` e quiá`-nicuøiñ`-Fidié`, jo
 lajoba` ni`líng`-dsee`-quiá`r`-la`uii~, jo mi` ningí` jo,
 'né`-nijmé`-guir e laco` ni`líng`-dsee`-quiá`-jaléng`
 dsea` rúíñ`. Dsu` Jesús cóo`-née`-ba` 'né` e cajáng`
 'ñia`r` e laco` ni`líng`-dsee`-quiá`-dsea` jmiigüi`
 lata`. 28 Jo jalé` e júu` quiu` ta` e ca`íng` Moi`
 do dsea` dsee`-dsea` qui`bing`-guíng` i` i` ni`uíng`-

jmidsea`laniing` ; jø e júu^ e cacuø Fidiée` ñia'r` do e café'r` mi` cangí e cacuø'r` Moi` jalé` e júu^ quiu` ta` do lamí` jéeng`gui, jø dsu` cóo` e júu^ e café` Fidiée` doba' ca'náaiñ` i Jór` camíng` do e laco' ni'uíñ` jmidsea` dsea` féng' i dseáng`-laniing`-gui i dseáng`-lata` ée` ta` røø` cóo` lajalé` e cangíñ` quiá'- Tiquiá'r` Fidiée`.

8

Jesús ca'uíñ` jmidsea` dsea` féng' i laniing`-gui qui`-ii'

¹ Jøba' fí`-guí` 'ná'`, dsea` rú`'naa' dsea` quiá'- Dsea` Jmáang`, e lab e uiing` e niing`-gui eáang` quiá'- lajii` e júu^ e síi`'naa' 'ná'`, e Jesúsbing' líng' i jmidsea` dsea` féng' i laniing`-gui qui`-ii', jøgui íb` cajo i niguiing` lana fí` ñiff` lí` lí` dsée' laco' guing` Fidiée` dsea` laniing` 'gøiñ'`. ² Jø guíñ` fí` jø e éer` ta` e líiñ` jmidsea` dsea` féng' i laniing`-gui, co' fí` jøb dseáng`-lí` lí` ée` já'` quiá'- Fidiée` fí` lí` cajméer` ñia'r` jø o' fí` lí` cajmée` dsea` jmigüí`.

³ Jø jaléng` jmidsea` laniing`-si`'neaaiñ` e nicuør` lajii` feá' e catíng` Fidiée` jøgui e nijngáiñ` jaléng` jó' e laco' nicuøiñ` dsea` do; jø lajòb lí` cóo` Fíi`naa' Dsea` Jmáang`, co' la guim`ba' 'né` líng` ee` nicacuør` fí` quini` Fidiée` uí` dsee` quiá'- jaléng` dsea` jmigüí`. ⁴ Jøgui faco' ír` táam`bir fí` jmigüí` la, jøba' ja` qui`-jmí` jóng e líiñ` jmidsea` faco' lajò, co' fí` jmigüí` la niseem` jmidsea` i cuøng` lí` cuø` feá' fí` quini` Fidiée` lí` laco'gui e ta` e caqui` Fidiée` e cajme' Moi` fí` ni` jì` quiá'r`. ⁵ Co' jalé` ta` e cajmée` jaléng` i jmidsea` do fí` jmigüí` la, rúm`'ji` lí` laco'gui la lí` fí` ñiff`, co' cajméer` lajò

fi' jmigüi' la e lí' laco' cuø' li~ e quiá'~ jial dseáng'~ lí' fi' ñifí'. Jo nine'baa' røø' e jalé' e la e lico' cuø' lib~; dsuco' ie~ mali~gui do, ie~ lamí~ caquiá' Fidié~ ta~ quiá'~ Moi~ e nijméiñ'~ coo' 'núu' 'mi' fi' lí' jmiféng' jaléng' dsea' Israel Fidié~, jo ie~ jo casí'r~ Moi~ lala: "Moi~, quie' cuente røø', jo jméé' e 'núu' jo lí' laco'gui jí'~ e nica'ée~ e 'nu' e fi' yá' mól' Sinaí do." ⁶ Jo dsu' Jesús i líng' jmidsea' dsea' féng' i laniing~gui quí'ii' do, íb' dsea' i nica'íng' e ta~ e 'gøng'gui eáang' laco'gui e ta~ quiá'~ jaléng' jmidsea' i seeng' fi' jmigüi' la; co' dsea' íb' i caneáa' fi' e laco' cuøøng' e dseáng'~ niliseeng' dsea' jmigüi' cøøng' cóo'~ Fidié~ lata~. Jo cajméer' lajo la'eáang' cóo'~ e júu' e cajmirø' Fidié~ cøøng'gui do, co' e jo 'gøng'gui laco'gui e júu' tigua~ e cacuø'r' Moi~ lamí~ jéeng'gui do. Jo e júu' e cajmirø' cøøng'gui do lí' coo' júu' tíi' fi' e guiá'~gui, co' eáang'gui cuø' e ta~ dsí' dsea'.

⁷ Jo faco' cali'íng' ta~ dseáng'~ laco' sí'í' e júu' tigua~ la'uii~ e cacuø' Fidié~ mali~gui do, joba' jo' cali'né~gui jóng e júu' tigua~ e cacuø' Fidié~ cøøng'gui do faco' lajo. ⁸ Jo dsu' mi~ calilí' Fidié~ e ja' jí'~ jaléng' i dsea' quiá'r~ do e júu' tigua~ la'uii~ quiá'r~ do, joba' cajmiquím'~ dsíir' cóoiñ'~ do, jo lalab cajíñ'~ fi' ni~ jí' quiá'r~:

Lalab fá'a: Niguiéeb' jmí~ mi~ nicuøø'ø jaléng' dsea' Judá cóo'~gui jaléng' dsea' Israel caguaang~gui coo'~gui júu' tigua~ e 'mí'.

⁹ Jo e júu' tigua~ e 'mí' e nicuøø'ø i dsea' í' e jíéb' lí' laco' e júu' tigua~ la'uii~ do e cacuøø'ø jaléng' dsea' áang' quiá'r~ mi~ cacá'a nifí' quiá'r~ e ca'uøøñ~re fi' ni~ guóo'~ uø' quiá'~ dsea' Egipto;

jō dsuco' jaléng' i dsea` áang' quiá'r- do ja`
calinúu'r~ lajúi'~ júu^ tigua` e cacuøø-øre
do,

joba' ca'náam- 'níá'a quiá'r- jóng.

10 Jō e lab e júu^ tigua` e 'míi- e nicuøø^ø dsea` Israel
mi~ niguiéé' e jmi~ jō:

Nicuøø^ø jaléng' i dsea` í e laco' ni'í- dsíir' røø`
lajúi'~ júu^ quiu' ta~ quié-e

jogui e ni'íñ' car` ngocáng` dsíir' jalé' e júu^ jō cajo.

Jogui dsea` do nijmiféiñ' jnea~,

co' júi'~ jneab~ nilín- n Fidiéé` quiá'r-,

jogui júi'~ íb` nilíng- dsea` quié-e cajo.

11 Joba' ie~ jō jo` 'né- gui fa' e nijmeá'- gui dsea` júu^
rúíñ' jial laco' nijmicuíñ' jnea~,

co' lajím` dsea` nilicuíñ' jnea~ ie~ jō,

nañi' fa' líiñ' dsea` niing- osi ja` líiñ' lajō é.

12 Jō ie~ jō ni'íim~baa dsee- quiá'r- uii~ quiá'- jalé'
e ga' e nicajméer`,

jō jo` nijmiguiéng' gui dsii- jalé` dsee- e nica'éer`
lami~ jééng' gui.

13 Jō mi~ fé' Fidiéé` e nicuøø- e júu^ tigua` e 'míi-
do, joba' cuø' li~ jóng e nicadseáb- bí quiá'- e júu^

tigua` e la'uii~ do e cacuøø' lami~ jééng' gui do; jogui
jalé' e niyúu'~ jogui e jo' ta~ íng^, capí'^ba' 'né- gui

quiá'- e tí lí' ni'íng- congua'.

9

Jial lí' fí' lí' jmiféng' dsea` Fidiéé`

1 Jogui lanagui fíi-guú' 'nú', dsea` rú'náa' dsea`
quiá'- Dsea` Jmáng-, e mi~ cacuøø' Fidiéé` e júu^
tigua` quiá'r- lami~ jééng' gui do, jō cacuøø' e júu^ jō
e laco' jial 'né- jmé- dsea` mi~ jmiféiñ' Fidiéé`, jō

jalé" e jo 'né- jmér- fí coo` dsíí 'núú' 'mi' e cajme' yaang~ dsea` jmigüi. ² Jo e 'núú' 'mi' do quiéng` tú- jnúng'~, jo e jnúng'~ la'uii~ do, fí job lí si' e ñi^ cunée~ e fí lí téé'~ candíi^ e coo` do; jo fí job cajo fí lí si' coo` mes~ fí lí néé' iñi'^ güeang'^ e catíng- Fidiée~. Jo e jnúng'~ la'uii~ la sii` Éé^ lí Güeang'^ quiá'- Fidiée~. ³ Jo e jnúng'~ e catí tú- quiá'- e 'núú' do líí cóo'~ coo` 'mi' fé' e niguo'^ e lí e fí dsíí 'núú' do, jo e fí dsíí job lí sii` Éé^ e Laniing- Güeang'^ quiá'- Fidiée~. ⁴ Jo e fí jo sea` coo` nife" e líí cóo'~ layaang~ cunée~, jo fí job lí jir' sũ; jo fí quiá'- job cajo si' e guóo' e fí lí téé'~ júu^ tigua~ quiá'- Fidiée~ e caráiñ' lami~ jéeng'gui do, jo e guóo' jo sibé" dse" cóo'~ layaang~ cunée~. Jo e fí dsíí guóo' do iu~ coo` dsũ- e líí cóo'~ layaang~ cunée~; jo e fí dsíí job lí si'ma~ capí'^ e maná e cacuø' Fidiée~ jaléng" dsea` Israel mi~ cangiñ' do fí ni~ guóo' uø- quiú. Jo fí dsíí guóo' job cajo fí lí si'ma~ e 'ma'u quiá'- 'lii~ yúu' Aarón e ca'íée'tu má'^ quiá'- calé' catú-; jogui e fí dsíí guóo' job cajo lí iu~ e cuu~ e lí too~ júu^ tigua~ quiá'- Fidiée~ e cacuø' malii~gui do. ⁵ Jo e fí ni~ e guóo' e sibé" cunée~ do teáng- gáng- i dsí cuéé', jo e fí nú'- lí dsí cueiñ' do cuø' lí e dob seeng` Fidiée~, jogui e fí nú'- job cajo fí lí íng^ dsee- quiá'- dsea`. Jo dsu' lana jo` ngii~ lí fa' 'né- gui e nifiñ- guíi' 'nú' dseáng'- la'uiing~ cuaiñ~ quiá'- jalé" e jo.

⁶ Jo mi~ tí lí cató' e guia' dsea` guiá- lajalé" e ni'né- e fí dsíí 'núú' 'mi' do, joba' jaléng" jmidsea` nicuøm` dsitáaiñ'~ jóng lacoo` jmii~ lacoo` jmii~ e fí e jnúng'~ la'uii~ quiá'- e 'núú' 'mi' do e laco' niguiár- guiá- lajúi'~ e feá'- e catíng- nicuø'r-

Fidiéẽ. ⁷ Jogui e jn̄ng' lī catî tú- quíá'- e 'núú' 'mí' do dseáng'- lajii' jmidsea` laniim`bing' i cuóong` lí í e fí dsíí jo cõo` née' lacõ` jii; joba' mī tí lī nití- í' e ni'ír` e fí jo, 'né- e niquier' feá'- e lí' cóo' jmī jó' núú e lacõ' nicuø'r- Fidiéẽ, jo lajoba' dsea` do ni'iiñ- jalé' dsee- quíá'- i jmidsea` do 'ñia'r' cóo' gui jalé' dsee- quíá'- jaléng' dsea` góor` caguaang` gui mī éeiñ' dsee- e ja` lílír^ lajo. ⁸ Jo cóo' jalé' e na, la'eáang' cóo' Jmiguî quíá'- Fidiéẽ'ba' jmicóo' jneaa`aa' e lacõ' line`naa' e ja` mí sea' fí e ngúng' dsea` e catí dsíí Ée^ lī Laniing` Güeang^ do lajee` e jmáang' ta~ e fí lī lí' jn̄ng' la'uii~ do. ⁹ Jo lajaléb' e la cuø` cõo` lī quíá'- jial lí' lana; dsucõ' jalé' e calí- e fí dsíí 'núú' 'mí' do; fa' jaléng' jó' i cajíng' jmidsea` fí quini` Fidiéẽ` cóo' gui jalé' e feá'- e jié'gui e cacuø'r' Fidiéẽ, jo dsu' jalé' e jo ja` quíi~ jmī fa' e niliguiá- dsíí dsea` i jmiféng' Fidiéẽ` cóo' jalé' e feá'- do dseáng'- lacõ' si'í fí quini` dsea` do. ¹⁰ Co' jalé' e quí' títng` dsea` fí quini` Fidiéẽ` la'eáang' e júu^ tigua` la'uii~ do e cacuø' dsea` do lamí~ jéeng'gui do, dsu' e jo quíi' ta~ jii' quíá'- jalé' e jmóob` dsea`, fa' jalé' e gø' dsea` cóo' gui jalé' e í' dsea` õsi jalé' e jié'gui é, e lacõ' niliguiá- dsíí dsea` lacõ' si'í fí quini` Fidiéẽ; jo dsu' jalé' e jo líng^ ta~ jii' cartí mī nicuø- Fidiéẽ` e júu^ tigua` e 'míi- do.

¹¹ Jo dsu' lana nicagüem` Dsea` Jmáang- e nilíiñ` i jmidsea` dsea` féng' i laniing`gui e lacõ' nijmicóo'r` jneaa`aa' e niñíng`naa' jalé' e guiá- e si'íi^naa' quíá'- Fidiéẽ. Jo e fí lī éer` e ta~ 'goo` e cangíiñ` do, fí job lī 'gøng'gui jogui niing`gui cajo, cõ' õ' dsea` jmigüi i cajme', õ'gui cajme'r' cóo'

e sea` fí jmiǵüû` cajo. ¹² Dsü' lanagui nicangüüm` Dsea` Jmáang` , joba' dob niguiiñ~ e fí Êë` lí` Laniing` Güeang`^ do dsü' o' uíi~ e cacuør' fí quini` Fidiée` jmi'øøng` jo'chí`^ osi jmi'øøng` güitá` jiuung` é, co' cangüüm`bre fí jö dsü' la'eáang' e cacuør' jmi'øøiñ` 'ñia'bre, jö lajoba' calí'r` e nileáang`naa' jee` dsee` quí-ii' lata~. ¹³ Dsü' e jáb`-, e lajee` e jmáang`ta~ e júu` tigua` la'uii~ e cacuør' Fidiée` lami` jéeng`gui do, ie~ lami` jmáang` ta~ jalé' jmi'øøng` güitá` jiuung` cóo`~gui jo'chí`^ colüing`gui cóo`~ fa` quíá`- jaang` güitá` iee~ mi` ningf` e cáng`ne' fí nife', joba' cóo`~ jalé' e jö seab`jiü capí`^ bí e laco' nijláb` Fidiée` dsee` quíá`- dsea, jö lajoba' niliguiüiñ` lajee` cateá' fí quini` dsea` do. ¹⁴ Jö e já`-, e jalé' e jmi'øøng` jó' do óob`jiü bí, jö dsü' e jmi'øøng` Dsea` Jmáang` 'ñia'r` do dseáng`- eáang`gui laniing` 'gøng`' jogui eáang`gui óo` bí cajo, co' dseáng`- conguiab` íing` dsee` quí-ii' fí quini` Fidiée` lata~. Co' la'eáang' cóo`~ Jmiguí` quíá`- Fidiée` e sea`lata~ do, Dsea` Jmáang` , dsea` ja` dsee` røøiñ` júi`~ coo`, cajáng` 'ñia'r` e cajüiñ` jogui cacuør' jmi'øøiñ` . Jogui la'eáang' e jmi'øøiñ` do calilí`naa' e jo` 'né` nijmó`guü' júi`~ coo` e lami` quí`- tñing`naa' jmoo`naa' do e sí' júi`~ fí 'mó` , jö lajoba' cuøøng` nijmó`oo' dseáng`- laco' iing` Fidiée` i` dsea` i` seeng` car` gongüü` jmiü` .

¹⁵ Jö la'eáang' e cajáng` 'ñia' Dsea` Jmáang` e cajüiñ` fí dse` crúu` , joba' niseab` fí quí-ii' e nilisee`naa' cøøng` cóo`~ Fidiée` la'eáang' cóo`~ e júu` tigua` e 'mü` do, jö lajoba' ni'íing` e iihuü' e catü`naa' do uíi~ jalé' dsee` quí-ii' lí`^ laco' la fé' fí ni~ e júu` tigua` la'uii~ do. Jö la'eáang' cóo`~

e cajúng⁻ Dsea` Jmáang⁻ do, joba' jalém[^] dsea` i nicaguíng[^] Fidiéé[~] i ni'uíng⁻ dsea` quiá'r⁻ cuóøng[`] e nilí'r[`] e ni'íñ[^] jalé[^] e guiú⁻ e catíñ⁻ lí[^] laco'gui jíí[~] júu[^] e nicacuø Fidiéé[~] lami[~] jéeng'gui do. ¹⁶ Jo faco' jaang[`] dsea` iñ[~] ningíñ⁻ jalé[^] e sea` quiá'r⁻ fí jaguó[`] jaang[`]gui dsea` mi[~] ningí[^] e nijúuiñ⁻, dsu[^] ja` cuóøng[`] e ni'íng[^] i dsea` í jalé[^] e jo lajee[~] e seem[^]bi i dsea` i nicuø⁻ do, co' jang[^] 'né⁻ lita[~] dsí[^] song nicajúng⁻ i dsea` i nicuø⁻ e do, joguiba' nicuøøng[`] e ningíng⁻ fí jaguó[`] i dsea` i catíng⁻ do. ¹⁷ Co' ja` bí sea` e ningíng⁻ fí jaguó[`] i dsea` i catíng⁻ jalé[^] e jo lajee[~] e seem[^]bi i dsea` i nicuø⁻ do, dsu[^] mi[~] ningí[^] e nijúum⁻ i dsea` i nicuø⁻ do, joguiba' nisea[`] fí e ni'íng[^] i dsea` i catíng⁻ do. ¹⁸ Jo co' lajob lí[^], joba' e júu[^] tigua[~] e cacuø[^] Fidiéé[~] dsea` lami[~] jéeng'gui do la guíim[^] 'né⁻ jmi[^]øøng⁻ jó[^] núu[^] e laco' sea` bí quiá'⁻ fí quini[~] Fidiéé[~]. ¹⁹ Jo ie[~] mali[~] do Moi[~] cajme'r[^] júu[^] jaléng[^] dsea` góor[`] dsea` Israel jalé[^] júu[^] quiu[^] ta[~] quiá'⁻ Fidiéé[~] e 'né⁻ nijmitiñ⁻ do fí quini[~] Fidiéé[~]; jo mi[~] cangí[^] e café'r[^] e júu[^] jo, joba' cacár[`] coo[^] sñ⁻ e silíng[^] e 'ñúu[^] ñí yúu⁻, jo cajgiéer⁻ jmi[~] jó[^] núu[^] e nisicang[^] cóo[^] jmi[^] fí ní lí[~] too[~] júu[^] quiá'⁻ Fidiéé[~] e cajme'r[^] do, jogui cajgiéer⁻ bre quiá'⁻ lajñng[`] dsea` do cajo. ²⁰ Jo mi[~] cató[^] e jo, lalab cajíng[^] Moi[~] casí'r⁻ jaléng[^] i dsea` góor[`] dsea` Israel do: “E jmi[^]øøng⁻ la cuø[`] e tíí ní[~] e júu[^] quiá'⁻ Fidiéé[~] e cacuø'r[^] jneaa[~]aa' e dseáng[^] 'né⁻ e nijmití[^]baa'.” ²¹ Jogui ca'éé⁻bi Moi[~] e jmi[^]øøng⁻ do cajo fí dsí[^] e 'núu[^] 'mi[^] güeang[^] lí[~] jmiféng[^] dsea` Fidiéé[~] cóo[^] gui fí ní jalé[^] e jmáang[^] ta[~] e fí dsí[^] 'núu[^] do. ²² Jo lí[^] laco' la fé[^] júu[^] quiu[^] ta[~] quiá'⁻ Fidiéé[~] e cajme'r[^] Moi[~], e cóo[^] lajji[^]

jmí'ba' ligüeang' lî' doñí' ee'; jogui cajo ja` quí'~
 jmí' ni'ling' Fidié' dsee' song ja` catuü' jmí'øng'.

*La'eáang' e cajúng' Dsea' Jmáang' fí' dse' crúu',
 joba' laang'naa' jee' dsee' quí'ii'*

²³ Jo e 'núu' 'mí' güeang' lî' jmiféng' dsea' Fidié' cõo'~ jalé' e jmáang' ta' fí' dsí' jo lí' lafa' rúm'jiu cõo'~ jalé' e sea' fí' ñifí' fí' lî' guing' Fidié', jo jalé' e sea' e fí' dsí' 'núu' do ligüeang' cõo'~ jmí'øng' jó' núu'; jo dsu' jalé'gui e sea' fí' ñifí' quiá' Fidié' dseáng'~ lajib' nigüeang', joba' 'né' jmí' e 'gøng'gui laco' jmí' jó' núu'. ²⁴ Jo dsu' Fí'naa' Dsea' Jmáang' ja' ca'ír' fí' Êe' Laniing' Güeang' quiá' e 'núu' 'mí' e cajme' dsea' jmigüí, co' e 'núu' jo lí' jii' lafa' coo' e lî' e sea' fí' ñifí' fí' lî' Laniing' Güeang' quiá' Fidié'. Co' Dsea' Jmáang' dseáng' fí' ñifí' lî' caguiéñ', jo lana dob niguiñ' cõo' Fidié' e mí'r' dsea' do uii' quí'ii'. ²⁵ Jo lacoo' jii' lacoo' jii' jaléng' jmidsea' laniing' quiá' dsea' Israel 'né' e dsitáaiñ' e fí' Êe' lî' Laniing' Güeang' quiá' e 'núu' 'mí' do e dsijii'r' jmí' jó' núu' fí' quini' Fidié'. Jo dsu' ja' cajmée' Dsea' Jmáang' laco'gui cajmée' j' jmidsea' í, co' coo' ya'ba' ca'í' dsea' do fí' Êe' lî' nigüeang'gui fí' ñifí' e cacuør' jmí'øñ', jo ja' ca'ír' jmigui' ya'. ²⁶ Co' faco' lajob lí', joba' jmiguiab' ya' catí' jóng e cajúng' Dsea' Jmáang' ie' lamí' catiroo' jmigüí faco' lajo; dsu' lajee' lana jo cartí' mí' niguiá' jmigüí, coo' née'ba' dseáng'~ cagüéng' dsea' do fí' jmigüí la, jogui coo' née'ba' cajo e cajáng' 'ña'r' e cajúñ' e laco' ni'ling' conguiá' jalé' dsee' quiá' dsea' jmigüí. ²⁷ Jo co' coo' née'ba' e júung' jaléng' dsea', jo mí' ning' jo, niguilíñ' fí' quini'

Fidiéẽ e laco' nitĩdsí' í' quiá'r- uii~ quiá'- jalé' e nicajméer` lajee` ie~ lamĩ~ seeng`guir fí' jmigüü' la, ²⁸jo lajob Fíi'naa' Dsea` Jmáang- coo` née'ba' sí'íiñ^ quiá'- Tiquiá'r^ Fidiéẽ e cajáng'` ñia'r' e cajúñ- e laco' congua' ca'íiñ- jalé'` dsee- quiá'- i fíing' dsea` jmigüü'. Jo mi~ nijáa'tur fí' jmigüü' la calé'` catú-, jo' nijáar' fa' e nijúung-tur uíi~ dsee- quiá'- dsea` jmigüü', co' nijáa'bre dsu' e jaleaaiñ- jaléng'` dsea` quiá'r- i nisijeeng` ír' i nisita` dsí' e nigüéeng-tur calé'` catú-.

10

¹ Jo e júu^ quiu' ta~ quiá'- Fidiéẽ e cajme' Moi~ do cuø' li~ e laco' liñí'jiu dsea` jalé' e guiú- e nid-sijéé' cøong'gui, dsu' o' dseáng'- jial laco' lí' e jo. Joba' jalé' e feá'- e cuø' jaléng'` i jmidsea` do lacoø` jii' lacoø` jii' ja` quíi~ jmĩ~ fa' dseáng'- e niliguiú- dsí' dsea` dseáng'- laco' sí'í' fí' quini~ Fidiéẽ. ² Co' faco' e júu^ quiu' ta~ quiá'- Fidiéẽ do dseáng'- e já'- quíi~ jmĩ~ e ni'íing- jalé'` dsee- quiá'- dsea`, joba' jo' í- dsí' dsea` jóng e líiñ' dsea` óo' dsee-, jogui nitú'bre cajo e nicuør- jmĩ' jó' núu^ uíi~ dsee- quiá'r- faco' lajo. ³ Jo uing~ e dsicar' e jmĩ' jó' núu^ do fí' quini~ Fidiéẽ lacoø` jii' lacoø` jii' e lí' laco' jmiguiéng'` dsír' lacoø` jii' e lím'bir dsea` óo' dsee-. ⁴ Co' dseáng'- e jáb'-, e jmĩ' güitá' jiuung~ do cóo'`gui jmĩ' jaléng'` jo'chí'^ dseáng'- ja` quíi~ jmĩ~ fa' e ni'íing- jalé'` dsee- quiá'- dsea` jmigüü'.

⁵ Jo co' ja` quíi~ jmĩ~ yaang~ e jmi'øøng- jó' do e ni'íing- dsee- quiá'- dsea`, joba' mi~ cagüéng- Fíi'naa' Dsea` Jmáang- fí' jmigüü' la, lalab casí'r- Tiquiá'r^ Fidiéẽ:

Jō cō' ja' tí' óo' 'nũ' e jī' dsea` jmi'øøng- jō' 'lĩ~ fí' quini'ˆ
 o'gui e jī' dsea` lí'ˆ doñi' ee' feá'- e laco' jmiféiñ' 'nũ',

jōba' 'nũ' nicacuøø'~ jnea~ ngúu' táan`n cōo'gui
 jmi'øøñ-
 e laco' nijmitii- lajī'~ e iing~ 'nũ', Fíi' Fidié'.

6 Jō cō' ja' tí' óo' 'nũ' mi~ jing' dsea` jō' núuˆ i
 nicacáang- fí' nife'` osi jalé' feá'- e jié'gui e
 cuø' dsea' 'nũ' e laco' ni'íin'- dsee- quiá'r',

7 jōba' lalab café'-a: “Lab cagüén-n fí' jmigüi'
 la e laco' nijmitii- jī'~ laco' iing~ 'nũ', Fíi' Fidié',
 lí'ˆ laco'gui la fé' fí' ni~ jī' quií'- lĩ' fé' cuaiñ~
 quié'-e.”

8 Jō nicajing'- Dsea` Jmáang- e ja' iing~ Fidié' o'gui
 tí' dsíir' e jī' dsea` jmi'øøng- jō' núuˆ fí' quini'ˆ
 o'gui jalé' feá'- quiá'- jaléng' jō' i nicacáang- fí'
 nife' e laco' ni'íing- dsea` do dsee- quiá'- dsea`.
 Jō cajíñ'- lajō doñi' fa' e lajōb ta~ quiu' fí' ni~ jī'
 quiá'- Fidié' e cacuø'r' Moi~ ie~ malĩ~gui do, e
 dseáng'- lajōb guíng` 'né- jmé- dsea` jmigüi'. 9 Jō
 cajím'~bigui Dsea` Jmáang- cajo e casí'r- Tiquiá'rˆ
 Fidié' lala: “Teaa~, lana lab nicagüén-n fí' jmigüi'
 la e laco' nijmee~ e dseáng'- jī'~ laco' e iing~ 'nũ’.” Jō
 laco' cuøøng` fe'ee' e mi~ cagüéng- Dsea` Jmáang- fí'
 jmigüi' la, caséer' cōo' e guíá'-gui jōgui e 'gøng'gui
 eáang' cajo, jōgui cab' ca'naang' e feá'- e lamí'
 quií'- tíng` dsea` jmóor` lamí~ jéeng'gui do. 10 Jō uíi~
 e Dsea` Jmáang- nicajmitir~ lajī'~ e iing~ Fidié'
 e cajáng' 'ñia'r' cōo' née' e cajúñ- fí' dse' crúuˆ
 e laco' ni'íing- dsee- quií'-ii' lata~, jōba' uíi~ e

jō Fidiée˘ nicajméer` e nilí'naa' dsea` guiúng˘ fí quinir˘.

11 Jō lajalém˘ jmidsea` quiá'˘ dsea` Israel quí'˘ tñiñ` e dsijíñ'˘ jó' fí quini˘ Fidiée˘ lacoᵒ` jmí˘ lacoᵒ` jmí˘; jō jmóor` lajō, co' lajōb júu˘ tigua˘ e cacuø' Fidiée˘ ír` lami˘ jéeng'gui. Dsu' jalé' e jmóor` do, ja` quí'˘ jmí˘ fa' e ni'íng˘ jalé' dsee˘ e røøng` dsea` jmigüí. 12 Jō dsu' Dsea` Jmáang˘gui cajáng'˘ ñia'r' e cajúñ˘ coᵒ` née'˘ ñiab' carta˘ rōᵒ` jmigüí, jō e jō íng˘ ta˘ e ni'íng˘ dsee˘ quí'˘ ii' lata˘. Jō mi˘ cangf' e cajméer` e jō, cangám'˘bre jóng jō cangogüear` lí' lí dsée' laco' guing˘ Tiquiá'r' Fidiée˘ fí ñiff'. 13 Jō fí job niguiñ˘ lana e sijeeñ˘ e Tiquiá'r' Fidiée˘ nijmé˘ e nijmi'gó' jaléng'˘ dsea` i' ní' ní' quiá'r˘ jogui e nisí' jaléng'˘ dsea` do uó˘ jnir˘ fí quiniñ˘ e laco' nijmiféng'˘neiñ'. 14 Jō coᵒ` née'˘ ñia'ba' cajáng'˘ ñia'r' e cajúñ˘ e laco' ca'íñ˘ dsee˘ quiá'˘ jaléng'˘ dsea` jmigüí, jō lajōba' cajmigüeang'˘neiñ' laco' si'í' fí quini˘ Fidiée˘ car` ngongí' jmí˘. 15 Jō lalab tí' ni˘ Jmiguí quiá'˘ Fidiée˘ e jáb'˘ e júu˘ la mi˘ fé'˘ lala:

16 Jō lalab jíng'˘ Fí'naa' Fidiée˘:

Jō e lab e júu˘ tigua˘ e 'mí' e nijmirøø˘ cóᵒ'˘ jaléng'˘ dsea` Israel mi˘ niguiéé' e jmí˘ jō:

Nicuøø˘ jaléng'˘ dsea` quié'˘ e e niliñir' jalé' júu˘ quiu' ta˘ quié'˘ e,

jogui nijmee˘ e e nijmér˘ náu'˘bre jalé' e júu˘ jō laco' si'í'.

17 Jō dseáng'˘ jō' nijmiguiéng'˘ dsii˘ jalé'˘ dsee˘ e nica'éer` fí quini˘

cóᵒ'˘gui jalé'˘ dsee˘ e nica'éer` cóᵒ'˘ jaléng'˘ dsea` rúñ',

co' dseáng'ˉ latab˘ ni'íin˘n jalé'ˉ e dseeˉ jo.
 18 Jo co' dseáng'ˉ conguiab' nica'língˉ Fidiéé˘ jalé'ˉ
 dseeˉ, joba' dseáng'ˉ jo` 'néˉ fa' ee` líng˘ feá'ˉ
 nijj'ˉ gui dsea` fí' quini˘ dsea` do e lacq' ni'íiñ˘ jalé'ˉ
 dseeˉ.

*Nicuóøng` e ningüing˘naa' fí' Éé˘ Laniingˉ Güeang'ˉ
 quiá'ˉ Fidiéé˘*

19 Jogui lana fíiˉguíi 'nú'ˉ, dsea` rú'ˉnaa' dsea`
 quiá'ˉ Dsea` Jmáangˉ, e cóo'ˉ e jmi'øøngˉ Dsea`
 Jmáangˉ e catuú` fí' dse'ˉ crúu˘ mi˘ cajúíñ˘ cuaiñ˘
 quíˉii', la'eáang' cóo'ˉ e joba' lana nisea` fí' quíˉii'
 e nicuóøng` e ningüing˘naa' e ja` 'gó'ˉnaa' jju'ˉ capí˘
 fí' Éé˘ lí Laniingˉ Güeang'ˉ fí' lí guing˘ Fidiéé˘ fí'
 ñifí'. 20 Co' la'eáang' e cajáng'ˉ 'ñia'ˉ Dsea` Jmáangˉ e
 cajúíñ˘ fí' dse'ˉ crúu˘ uii˘ quíˉii', joba' nicaneáa`bre
 coo` fí' 'míi˘ e lacq' cuóøng` e ningüing˘naa' fí' lí
 guing˘ Fidiéé˘, co' cajéb'ˉ e lafa' 'mi'ˉ e sijní' fí'
 jo. 21 Jo co' Jesús ca'uííñ˘ i jmidsea` dsea` féng'ˉ
 i laniingˉgui quíˉii' i niquie˘ nifí' quiá'ˉ lajaléng'ˉ
 dsea` quiá'ˉ Fidiéé˘, 22 joba' madsiquiéeng'ˉnaa'
 cóo'ˉ Fidiéé˘ car` ngocáng` dsí'naa' jogui e nita˘
 dsí'naa' e dseáng'ˉ nijmitib˘ dsea` do jalé'ˉ júu˘
 quiá'rˉ. Jo madsiquiéeng'ˉnaa' cóo'ˉ Fidiéé˘ cajo
 e jo` røøˉnaa' dseeˉ jogui e nilí'naa' lafa' dsea`
 sijgüing˘ cóo'ˉ jmi˘. 23 Jo dseáng'ˉ teáb` 'néˉ
 tééˉnaa' fí' guiú˘ lí nitéeˉnaa' cóo'ˉ Dsea` Jmáangˉ,
 e dseáng'ˉ ta˘ dsí'naa' e jáb'ˉ júu˘ quiá'ˉ dsea` do,
 co' dseáng'ˉ nijmitib˘ Fidiéé˘ lajju'ˉ júu˘ quiá'rˉ e
 nicacuø'r' jneaa˘aa' lami˘ jéeng'gui do. 24 Jo 'néˉ
 nijmi'úum`bíi' jial e nijmi:cóo'ˉnaa' jaléng'ˉ dsea`
 rú'ˉnaa' e nijmi'neáaiñ` rúíñ'ˉ jogui jial e nijmérˉ
 jmang'ˉ e guiú˘. 25 Jo fíiˉguíi 'nú'ˉ, dsea` rú'ˉnaa'

dsea` quiá'- Dsea` Jmáang-, e ja` dseeng` fa' e nijmi'naang- yee`ee' e ja` seáang'~ rú'naa' lí' laço' jmóo` i líing` dsea`, co' o' lajo e 'né- jmó` jneaa~aa'; co' lí' lí' 'né- e nicuóø'~gui bí' rú'baa' e laço' ja` nitá^uu' fí' lí' nitée-~naa' cóo'~ Dsea` Jmáang-, jo eáang'gui 'né- jmi'úung`naa' e jo lana, co' ninee- jóø^baa' e nijaquíeem' e tí' lí' nigüéeng-~tu Fíi'naa' Dsea` Jmáang- fí' jmi'güi' la calé' catú'.

²⁶ Jogui fón'n 'nú', dsea` rú'naa', e song la ee~bí' dsee- e guita` dsí'naa' mi~ cangí' e nicalicuíng`naa' Dsea` Jmáang-, joba' jo` sea` feá'- jóng e laço' cuóøng` e ni'íing-~gui jalé' e dsee- jo fíng song jmoo-~naa' lajo. ²⁷ Co' song la ee~bí' dsee-, joba' eáam' nisijée' qui-ii' lajii'~ iihuí' e nicuó- Fidiée~ mi~ tí' lí' niquidsir' í' quiá'- lajaang' lajaang' dsea` mi~ nibíiñ- jaléng' i dsea` i 'ní' ní- quiá'r- fí' lí' coo` jí' e ja` tóo` jmi~ yu'. ²⁸ Jogui nine~baa' e mi~ jaang` dsea` ja` jmitir~ laço' catíng- e júu^ quiu' ta` quiá'- Fidiée~ e cajme' Moi-, jogui song seeng` gáng- si gaang` dsea` i tí' ni~ quiá'- lajii'~ e dsee- e ca'ée' i dsea` do, joba' dseáang'- ja` mí' seab` jóng, co' dseáang'- ja` fí'í' b^ 'né- júung- i dsea` do uí'~ e dsee- e nica'éer` do. ²⁹ Jo dsu' iihuí' eáang'guib ni'íng' jaléng' i dsea` i jmóo` ta` 'ní' níng- i Jóo' Fidiée~ camíng'~ do cóo'~gui jaléng' i dsea` i ja` jmi'gó' e jmi'øøng- dsea` do cóo'~gui jaléng' i dsea` i fé' ga` uii~ quiá'- Jmiguí' quiá'- Fidiée~ e 'neáang` jneaa~aa' do cajo. Co' la'eáang' cóo'~ e jmi'øøng- dsea` dob e jmita~ dsí'naa' e júu^ tigua~ e 'míi- e cacuó' Fidiée~, jogui la'eáang' cóo'~ e jmi'øøng- dsea` dob cajo e caligüeang'^naa' fí' quini~ Fidiée~. ³⁰ Jogui nine~baa' e lalab cajíng'- Fíi'naa': "Jneab~

dsea`catín`n e ni`hí`í' laco' catíng` jogui e niqúí'`
 táa' lí' jialco' ée` dsea.`" Jogui cajím`biguir cajo:
 "Ñiá'baa dsea` niquidsii` í' quiá'- jaléng' dsea`
 jmigüí'." ³¹ Jo dseáng'` eáam' ga` ni'í' fò' quiá'-
 jaléng'` i dsea` røøng` dsee` mi` ni'í' Fidiée` i seeng`
 car`ngongh` jmíi` í' quiá'r`!

³² Jogui jmiguiéng'` áa'na' cajo e ie` mi` tá` já`-
 calíng`na' júu` quiá'- Dsea` Jmáang`, jmiguié` íng'`
 iihuí' ca'íng'`na', lifa' cajmee`ba' té'na' cóo'` jalé`
 e jo, jo ja` calítúng` óo'na' lajii'` fí' lí' niteáang`na'
 cóo'` Dsea` Jmáang`. ³³ Jo ie` jo, i líng` `nú'` gab`
 café' dsea` uii` quií'na' jogui gab` cajmeáng'` dsea`
 'nú'` fí' quini` fíi` cajo. Jo mi` cangá` dsea` quiá'-
 Dsea` Jmáang` i caguiaang`gui e dsing`ng`na' lajo,
 joba' caquim`bre cajo e calíñ'` iihuí'. ³⁴ Jogui
 eáam' calí' fíi` líng`na' jaléng'` dsea` rúng'`na' dsea`
 quiá'- Dsea` Jmáang` i cajnáng` fí' dsíi' `nañí'` ie` jo,
 jogui ja` calíng`na' fí'í'` mi` cajmée` dsea` íi` jalé'` e
 sea` quií'na', co' niñí'ba' guiú'` e fí' ñifib` nisijéé`
 jalé'` e jlo'` quií'na' e ja` qui'` jmíi` fa' e ni'íng`.
³⁵ Joba' fíi` i 'nú'` lana e teá'gui síng'` yaang`na'
 e ja` jmitúng` óo'na' lajii'` fí' niteáang`na', dsaco'
 la'eáang' cóo'` e joba' e ni'íng'`na' jalé'` e jlo'`
 e nicuó'` Fidiée` `nú'` mi` nití'` í' lajo. ³⁶ Jogui
 fíi` guí' `nú'` e la guím`ba' `né'` e cóo'` e féng'` óo'ba'
 `né'` nijmití'na' lajii'` e iing` Fidiée` e nijmée`na',
 jo lajoba' cuóøng` e ni'íng'`na' lajii'` e nijíñ'` e
 nicuó'r` `nú'` lamí` jééng'gui. ³⁷ Co' lalab fé'r` fí' ni`
 jì` quiá'r`:

Jo dseáng'` lajee` lajminá` nijáa'tu fí' jmigüí'` la
 i sí'í' nijáa', jo jo` fa' dseáng'` lí'íng`guir
 eáang'.

38 Jø doñí ii dsea` i jmóo` lajii~ e iing~ jnea~,
 joba' niliseeiñ` la'eáang` e já` líiñ` júu^ quié`e;
 jø dsu' song ii dsea` ni'náng` ñia'r' lajii~ fí lí~ nisiñ`
 cóo~ jnea~, joba' jnea~, Fidié~, ja` iáang`
 dsii` cóo~ i dsea` î jóng.

39 Jø dsu' jneaa~aa' ja` líinaa' dsea` i jmi'náng`
 yaang~ e fí' guiá~ lí~ nitée~naa' cóo~ Dsea` Jmáang~
 e laco' nibíing~ Fidié~ jneaa~aa' fí lí` 'li'^; dsuço'
 jneaa~aa' nilíinaa' dsea` i nita~ dsí' cóo~ Fidié~,
 joba' dsea` do nileáiñ~ jneaa~aa' jee~ jalé` dsee~
 quí~ii' la'eáang` e já` líinaa' júu^ quiá'r~.

11

*Jial lí' mi~ dseáng`- já` lãng` dsea` júu^ quiá`-
 Fidié~*

¹ Jø e laba' fíi~ guíi`nú', dsea` rú'nnaa' dsea` quiá`-
 Dsea` Jmáang~, e mi~ jaang` dsea` dseáng`- já`
 líiñ` júu^ quiá`- Fidié~, joba' dseáng`- nitab~ dsír'
 jóng e nijmitib~ dsea` do jalé` júu^ e sí'reiñ', jogui
 dseáng`- lafa' nica'ím`bre lajii~ e nicamir' do nañí'
 fa' ja` mí` nírer. ² Jø eáam' cali'íáang` dsí' Fidié~
 cóo~ jaléng` 'líi~ dsea` áang` quí~naa' uíi~ e jáb`-
 calíng~ jaléng` dsea` do júu^ quiá`- dsea` do.

³ Jø uíi~ e já` líinaa' júu^ quiá`- Fidié~, joba'
 nitab~ dsí'naa' e la'eáang` cóo~ júu^ quiá`-bre ca-
 jméer` lajalé` e sea` fí' la'úng~ fí' jmigüi~, jø lí'^ laco'
 cuøøng` fe`ee' e lajalé` e ne~naa' lana ca'uíng~
 cóo~ jalé` e ja` cuøøng` ne~naa'.

⁴ Jø i dseañu' i calisí` Abel i caliséng` mali~gui
 eáang`, la'eáang` e jáb`- caliñ~ júu^ quiá`- Fidié~,
 joba' cacuø`bre dsea` do coo` feá`- e guiá~gui
 laco'gui e feá`- e cacuø' i rúñ` i calisí` Caín do,

jō ca'ím' Fidiée˘ i Abel do e lliñ' jaang` dsea` i ja` røøng` dsee˘, jogui ca'ím'bir lajji' e cacuøiñ' do cajo. Jō ja` e lli' e maliib~ eáang' nicajúng˘ i Abel do, dsu' sea`bi júu^ quiá'r˘ latí lana la'eáang' e jáb'˘ calíñ˘ júu^ quiá'˘ Fidiée˘.

⁵ Jogui la'eáang' e jáb'˘ calíng˘ júu^ quiá'˘ Fidiée˘ i dsea` i calisí Enoc i caliséng` malii~gui eáang', jōba' condsee' catø'˘ Fidiée˘ dsea` do fí' ñifí˘ e jii'˘ ja` cajúñ˘. Jō cō' condseeb' cangáñ˘ fí' ñifí˘, jōba' jō` ii` cangá˘gui quiá'r˘ mi~ cangí jō. Jō lí' laco' la fé' fí' ni˘ jì' quiá'˘ Fidiée˘, e lajee˘ e ná'˘gui nitøø dsea` do ír' fí' ñifí˘, jmang'˘ e cali'iaang' dsíí Fidiée˘ cajméer'. ⁶ Jogui ja` quí'˘ jmii~ e nijmó'oo' e nili'iaang' dsíí Fidiée˘ song ja` já'˘ lí'naa' júu^ quiá'r˘, cō' doñí' ii` dsea` i iing~ nijáng'˘ yaang~ fí' jaguó' Fidiée˘, jang'˘ 'né˘ e jáb'˘ nilíñ' e dseáng'˘ seem` dsea` do, jogui e cuø'bre jmang'˘ e guiá˘ jaléng'˘ i dsea` i cuø' bí yaang~ i iing~ nijmicuíng' ír'.

⁷ Jō lajob cajo i lli~ yúu' i calisí Noé, la'eáang' e jáb'˘ calíñ˘ júu^ quiá'˘ Fidiée˘, jōba' jáb'˘ calíñ˘ mi~ cajíng'˘ Fidiée˘ e nidsijée' jalé' e iihuí' e nijaquíéeng' e jii'˘ ja` mí' ñí dsea` jéeng'gui, jō Noé cajmée'bre náu'r˘ lajji'˘ júu^ quiá'˘ Fidiée˘ ie~ jō, jō cajméer' cōo` móo' dsée˘ e ni'í' fí' ni˘ jmii' lí' laco'gui la ta˘ e caquiú' Fidiée˘ e nijmér˘, jō cōo' e jōb nilí'r˘ nileáñ˘ jaléng'˘ dsea` sinúu^ quiá'r˘ mi~ tí' lí' nitú' e jmí' dsiing~ do. Jō cō' jáb'˘ calíng˘ Noé júu^ quiá'˘ Fidiée˘, jōba' dsea` ja` røøm` dsee˘ ca'uíñ˘ fí' quini˘ dsea` do, jō dsu' jaléng'˘ dsea` jmigüi' caguiaang˘gui ca'naam'bre quiá'˘ Fidiée˘ lata˘.

8 Jøgui 'lii~ yúu~ Abraham la'eáang' e jáb^- caliñ^- júu^ quiá^- Fidiée~, jøba' cajméebre núu'r~ mi~ cajíng'^- dsea` do e 'né^- nitár` góor` jø nidsér^- nidsigüear` fi' guóo'^- uø^- fi' li~ huíi^ fi' li~ nicajíng'^- Fidiée~ e nicuø'^-reiñ' lamí~ jéeng'gui. Jøba' cagüi'íi~bre e fi' góor` do colíng~ cóo'^- jaléng'^ dsea` sinúu^ quiá'r^- cóo'^-gui jalé'^ e sea' quiá'r^- e jii~ ja` ñir' jie` fi' li~ ngóor'. 9 Jø la'eáang' e jáb^- caliñ^- júu^ quiá^- Fidiée~, jøba' cangó^-bre cangogüear` e fi' guóo'^- uø^- fi' li~ cajíng'^- dsea` do lamí~ jéeng'gui e nicuø'^-reiñ' e nigüear` lafa' dsea` i jáa' fi' li~ jie'^. Jø 'núu' 'mib' cajme'r' e caguár', jøgui lajòb calí^- 'nú^- i jòor` i sii` Isáa' do jøgui i guieer~ i sii` Jacóo^ do cajo, jø laji` huáang^- i dseañu` na ca'ím'^bre lajii~ e cajíng'^- Fidiée~ e nicuø'^-reiñ' lamí~ jéeng'gui lí'^ laco' ca'íng'^ dsea` cóøng'^ quiá'r^- cajo. 10 Jø i 'lii~ yúu~ Abraham do dseáng'^- lamí~ sijeem~bre e nigüear` e fi' fii' 'mii^- e ja' tóo` jmii^- ni'íng^- e cajíng'^- Fidiée~ e nicuø'r^- dsea` do. Jø 'ñiab' Fidiée~ dsea` caguiar' guiá^- jøgui cajme'r' e fii` jø.

11 Jø la'eáang' e já^- calíng^- Abraham júu^ quiá^- Fidiée~, jøba' caquii~bre jmii^- e caliséng' jòor` cóo'^- dseamí quiá'r^- i sii` Sara, nañi' fa' eáam` nidseáaiñ^- laji` huáaiñ^- do. Jø lajòb calí^-, co' dseáng'^- jáb^- caliñ^- e nijmitib~ Fidiée~ lajii~ júu^ e nicacuø'^reiñ' lamí~ jéeng'gui. 12 Jø ja' e líi' e eáam` nidseáang^- 'lii~ yúu~ Abraham mi~ tí' li~ canaang` e liseeng' jòor', dsu' mi~ cangí'gui lajò, i 'leáam^- dsea` sijur` caliséng' lí'^ laco'gui la fíng' núu' i sitóng'^- fi' yú'^ jmigüi' mi~ canuu, osilí'^ laco' la jmiguii' tóo'^- e née' 'ni' jmiñi'^ e jii~ ja` quii~ dsea` jmii^- nijmi'í'^.

13 Jø jalém'^ i dsea` í' cajúm^-bre mi~ catí' í' lajò

quia'~ lajaang` lajaaĩn`, jo jii'~ ja` mi' ca'ím"bir lajii'~ e cajíng'~ Fidiée` e nicuó'~ reiñ' do lamĩ~ jéeng`gui. Jo co' jaléng" i dsea` do jáb'~ calíñ~ júu^ quia'~ Fidiée`, joba' líi' e lafa' ca'ím"bre jalé" e jo; jo cóo'~ jalé" e jo cajmée` e íáam` dsíir', co' calilí"bre e o' dseáng'~ góor` fí jmigüi` la, co' lí" cateá"ba' ngíng`tear fí jmigüi` la lafa' jaang` dsea` i iuung` fí. ¹⁴ Jo jaléng" dsea` i í' dsíi' e o' dseáng'~ góor` fí jmigüi` la, joba' cuøb' li~ quia'r~ e sijeem`bre e nidsilíiñ` e fí fiñ` 'míi~ quia'~ Fidiée`. ¹⁵ Co' faco' jaléng" i dsea` do guim~bi dsíir' uii~ quia'~ e fí lí" ca'uøøiñ` do, joba' caquim'~tur jóng e fí jo faco' mi~ cajmée` lajo. ¹⁶ Dsu' jaléng" i dsea` í eáang`guib calí"iñ~ e nidsigüear` e fí fiñ` 'míi~ e jlo" eáang` quia'~ Fidiée` e sea` fí ñiff`. Jo uuing` e joba' Fidiée` ja` jáa' e í" líiñ` e líiñ` Fidiée` quia'~ i dsea` do, co' nicagua"bre guiá~ e fiñ` 'míi~ jo fí lí~ nidsigüea` i dsea` quia'r~ do lata`.

¹⁷ Jogui la'eáang` e jáb'~ calíng` Abraham júu^ quia'~ Fidiée`, joba' calinúu"bre lajii'~ e cami' Fidiée` ír` mi~ cali'iing` dsea` do e ñir' su dseáng'~ nijmiti~ Abraham lajii'~ e nicajíng'~ dsea` do e nijngáiñ'~ i jóor' Isáa' do e laco' nicuó'iñ" dsea` do. Joba' ie~ jo dseáng'~ ní"lí ñijli~ quia'r~ e sí"í nijngám"bre i jóor' do, jo ja` e líi' e Fidiée` nicacuør' júu^ quia'r~ lamĩ~ jéeng`gui mi~ cajíñ" lala: ¹⁸ "La'eáang` cóo'~ i jóo'" Isáa' nab niliseeng` i fíng` dsea` sijú" lí" laco' júu^ quie` e e cacuøø`ø`'nua` lamĩ~ jéeng`gui." ¹⁹ Jo co' niñib' 'líi~ yáu~ Abraham ie~ jo e quíib'~ Fidiée` jmíi~ nijmér~ doñi' ee` jiguí e nijmijí'r' jaléng" 'líi~, joba' lajob cuøøng` lí fe`ee' quia'~ i jóor' Isáa' do e lafa' cajíb"tuiñ` do, co' ja`

cajúiñ̄ iē jo, jo e jo lí' cōo`lī e nidsijéé' cøong`gui.

²⁰ Jogui la'eáang' e jáb'- calíng- i Isáa' do júu^ quiá'- Fidiéé', joba' cacuø`bre júu^ quiá'r- i jóor` gáng- do i sii` Jacóo^ jogui i sii` Esaú e guiáb- nidsijéé' quiáiñ̄- do.

²¹ Jogui la'eáang' e jáb'- calíng- i Jacóo^ do júu^ quiá'- Fidiéé', joba' lajee' e tí' lí' nijúuiñ̄, cajmigüeam`bre lajaang`lajaang` i guieer' i líng' jóo` Sé^ do, jo lajee' jo cajmiféiñ' Fidiéé' e siñúuiñ̄ e cuó`'ma'u' quiá'r- do.

²² Jogui la'eáang' e jáb'- calíng- i Sé^ í júu^ quiá'- Fidiéé', joba' cajíñ'- casí'r- jaléng` dsea` sinúu^ quiá'r- lajee' e niráaiñ̄ e tí' lí' nijúuiñ̄ e fí' Egipto do e ni'uøm` jaléng` dsea` góor` dsea` Israel mī nīngóo`gui jii` lajo, jo nidsiliñ̄ fí' guóo` uø` lí' nicajíng'- Fidiéé' e nicuø` reiñ' lamí` jéeng`gui. Jogui casí'-gui Sé^ jaléng` i dsea` sinúu^ quiá'r- do e nicóo`biñ' do e móo` teáaiñ̄ fí' cōo` dsí' guóo' mī tí' lí' nitaiñ̄- fí' e nidsiliñ̄ e fí' jo, cō' jo` seeng` i Sé^ do mī nití- e í' jo.

²³ Jogui la'eáang' e jáb'- calíng- sejmii` Moí~ júu^ quiá'- Fidiéé', joba' ca'méem`bre i yuu` Moí~ do quiá'r- lajee' gaang` si' mī cangí' e caliséiñ̄ do; cō' calilí`bre e Fidiéeb` caguíng` i yuu` do quiá'r-, jogui ja` cajmi`gór` lajii` ta` caquiui' dseata` dsea` féng' iē jo e 'né- nijúung- jaléng` yuu` siñuu^ quiá'- dsea` Israel.

²⁴ Jogui la'eáang' e jáb'- calíng- i Moí~ do júu^ quiá'- Fidiéé', joba' mī tí' lí' cacuáiñ̄, ja` calí'iiñ̄ fa' e nifé` dsea` e calí- niquiá'r- i dseamí i líng' jóo` dseata` dsea` féng' do, i dseamí i cajmicuóo` quiá'r- jii' iē lati' mī cadséng`neiñ' do e fí' 'ni' gua` Nilo. ²⁵ Jo ja` calí'iiñ̄ fa' e calíñ̄ dsea`

sinuu^ quia'- i dseata~ dsea` féng' quia'- Egipto do, jo cóo'~ dsea` góor` dsea` Israel cangotáaiñ-, co' eáang'gui cali'iiñ~ e ni'íñ' iihuú' lí'^ laco' la íng' dsea` góor` e lafa' e caliséiñ` juguiá- e nijmi'óo'r~ cateá jalé' e ja` dseeng` e sea` fi' jmigüi' la. ²⁶ Co' ie~ jo ca'f dsí' i Moi~ do e guiá- guib ni'uíng- quia'r- e ni'íñ' iihuú' uí'~ e sijeeiñ` i dsea` i nisíng- Fidiée` i nileáng- ír cóo'~gui jaléng' i dsea` góor` dsea` Israel e lafa' e niliseeiñ` juguiá- e nijmi'óo'r~ jalé' e jlo'^ e sea` fi' quia'- i dseata~ dsea` féng' quia'- Egipto do; jo ja` cajméer` lajo, co' nitab~ dsíur' e ni'im'bre lajii' e catíiñ- e nicuó' Fidiée` ír`.

²⁷ Jogui la'eáang' e jáb'- calíng- i Moi~ do júu^ quia'- Fidiée`, joba' cagüi'í'bre cóo'~ jaléng' dsea` góor` e fi' Egipto do e júi'~ ja` lír'^ 'gór` doñi' fa' dsíng'- caliguíng- i dseata~ dsea` féng' do; jo ja` caquiiñ'- tucaiñ' fi' lí~ nisiñ', co' núu'~bre cajméer` laco' si'í' júu^ quia'- Fidiée` lí'^ laco' cuøøng` fe'ee' e fa' dseáng'- lanab níiñ- i Fidiée` i seeng` car` ngongá jmi~. ²⁸ Jogui la'eáang' e jáb'- calíiñ- júu^ quia'- Fidiée` ie~ jo, joba' coo` jmi~ ná'-gui e ni'uøiñ` cóo'~ jaléng' dsea` góor` e fi' Egipto do, cajmée'bre núu'r~ júu^ quia'- Fidiée` mi' caquiú' dsea` do ta~ quia'- lajaléng' dsea` Israel e nisúuiñ'- capí'^ jmi~ jó' núu^ fi' dse' jní'^ quia'r- lajaang` lajaaíñ, jo lajoba' ja` nijúung- i jiuung~ siñuu^ la'uii~ quia'r- do mi~ tí' lí~ ningíng- i dsea` mojii` i nijngáng'- jaléng' i jiuung~ siñuu^ la'uii~ quia'- dsea` Egipto lí'^ laco'gui la ta~ caquiú' Fidiée` lamí` jéeng'gui.

²⁹ Jogui la'eáang' e jáb'- calíng- dsea` Israel júu^ quia'- Fidiée`, joba' mi~ tí' lí~ ca'uøøiñ` fi' Egipto e cangotáaiñ' fi', jo lajee` teáaiñ' fi' cacuo'r' e jmiñi'

e sii` mar Rojo lí^ lafa' mi~ ngir' fí' ni~ guóo~ uó~ quiú; jò cò' ngolíng~ dsea` Egipto e óòm`bre dsea` do, jò dsu' mi~ tí' lí' caguilíng~ i dsea` Egipto e nicuá'r~ e jmii~ jò, jò lajee~ e ningolíñ~ guiá'^ jóob` jmíñí'^ mi~ cajgó'r` jmii~, jòba' conguiab' cajúñ~ lajiiñ` jóng.

³⁰ Jogui la'eáang' e jáb'- calíng~ dsea` Israel júu^ quiá'^ Fidié~, jòba' cangir' coo` ya' lacoo` jmii~ lajee~ guié~ jmii~ fí' lacúng' lajiiñ` e iá` cuu~ e ñí' eáang' e si' lacúng' e fii` Jericó. Jò mi~ catí e jmii~ guié~ do, jòb mi~ caquí'^ e iá` cuu~ do. ³¹ Jogui la'eáang' e jáb'- calíng~ i dseamí i calisí Rahab do júu^ quiá'^ Fidié~, jòba' ja` cajúñ~ colíng~ cóo~ i dsea` góor` i seeng' fí' Jericó do mi~ tí' lí' calíng~ e fii` jò; cò' i dseamí do guiáb~ ca'íñ' coo` tú~ máng' dsea` Israel i caguilíng~ fí' quiá'r~ lamí~ jéeng'gui i cangoquie` cuente jial lí' e fí' jò. Jò i Rahab do lamí~ jmóor` ta~ 'nning' 'ñia'.

³² Jò jmigui`bi sea` e 'né~ fii~ i 'nú' faco' dsitíng'~ quié~ e lajò: fa' jalé' júu^ quiá'^ jaléng' i dsea` la i já' calíng~ júu^ quiá'^ Fidié~ ie~ malii~gui eáang' do lí^ lajaléng' i dseañu' la: jaang' i calisí Gedeón cóo~gui jaang' i calisí Barac jogui jaang' i calisí Sansón cóo~gui jaang' i calisí Jefe` jogui jaang' i calisí dseata~ Daví'^ cóo~gui jaang' i calisí Samuel, jogui jaléng' dsea` i café' cuaiñ~ quiá'^ Fidié~ cajo. ³³ Jò la'eáang' e jáb'- calíng~ jaléng' i dsea` na júu^ quiá'^ Fidié~, jòba' calí'^bre jalé' 'nii e catíñ' cóo~ dsea` jiéng', jogui ca'íñ~bre í' røø` jee~ jaléng' dsea`, jogui ca'ím'^bre jalé' e guiá~ e cajíng' Fidié~ e nicuó'~reiñ' lamí~ jéeng'gui, jogui caquí'^bre jmii~ e caláaiñ~ e ja` cajmeang' ie' ír`

jii~ coo` mi~ cangotáaiñ~ fi' jee~ i jó' î. 34 Jogui calisémbi cajo i lling~ dsea` i caquh~ jmh~ i cayh' ji' jo ja` cacáaiñ~ cóo~ e ji' do, jogui calisémbi i caquh~ jmh~ i caleáang` yaang~ e ja` cajúñ~ cóo~ ñisuh', jogui calisémbi dsea` i caguá~ fong', joba' dsea` laniim~ ca'uiñ~ quiá'- jalé' jee~ 'niñ jogui calí^bre jaléng' dsea` i 'ní' ní' quiá'r~ cajo. 35 Jo calisémbi jaléng' dseam' ie~ jo e la'eáang' e jáb~ caliñ~ júu^ quiá'- Fidié~, joba' cangáb~tur e cají'tu jaléng' dsea` sinúu^ quiá'r~ mi~ cang' e nicajúñ~.

Jogui i lling~gui i dsea` i já'- calíng~ júu^ quiá'-Fidié~ do ca'ím^bre iihu' e eáang' cartí cajúñ~, co' cajmeáang'gui quiá'r~ e cajúñ~ e laco'gui e nileáiñ` ni~ 'mó- fíng catúr~ júu^ quiá'- Dsea` Jmáang~, co' calilí^bre e guiá~gui b nidsijé' quiá'r~ mi~ nijí'tur calé' catú~ fi' ñiff-. 36 Jogui i lling~ i dsea` do eám' ga` ca'ée` dsea` cóo'r~ co' cartí cabóong~neiñ' jogui calóong~neiñ' cajo, jogui i lling~gui ca'ñung~ cóo~ ñí^ cadena, jogui i lling~gui cajo cangotáang~ fi' dsí' 'nñí^'. 37 Jogui i lling~gui i dsea` i já'- calíng~ júu^ quiá'- Fidié~ do cajngab' dsea` quiá'r~ cóo~ layaang~ cuu~ osi cajméer` tú~ 'náang~ dsea` do cóo~ ñí^ sieer~ é, osi cajúñ~ e ca'ieiñ~ ñisuh' é. Jogui calisémbi i dsea` î cajo i ja' 'ga' lí caliseá' jalé' e 'né~, jogui cangir' fi' la fi' na e jii~ loo~ jó'ba' lí' s'r~, jogui eám' ga` cajmeáang' jaléng' dsea` ír, jogui cacuø'reiñ' iihu' e eáang' cajo. 38 Jo jaléng' i dsea` î jii~ ja` catúñ~ e nidsinghñ~ jalé' e iihu' do e fi' jmigü' la fi' lí~ seeng' dsea` dsee~ dsea` qui', jo dsu' jaléng' i dsea` î eám' ca'íñ' iihu' e ngir' fi' la fi' na fi' jee~ mó' jogui fi' ni~ guóo~ uø~ quiá', jogui e jar' fi' nú'- lí~

sitá'-' loo` cuu~ fí lí í' quiá'` o*si* lacaang` lí~ sitá'-'
quiá' fí 'náang'~ uó- é.

³⁹ Jo nañi' fa' ca'ím' Fidiée' jaléng' i dsea` do
e líiñ' dsea` i ja` røøng` dsee- fí quinir' uíi~ e
jáb'- caliñ- júu^ quiá'- dsea` do, dsu' jii~ jaang`
i dsea` do lajee' taaiñ~ fí jmigüi' la ca'ín' lajii~
e nicajíng'- Fidiée' e nicuø'-reiñ' lamí~ jéeng'gui
quiá'- e nisíñ- jaang` i nileáng- ír' jee~ jalé' dsee-
quiá'r-; ⁴⁰ dsuco' Fidiée' nicagui'r' e guiú-gui qui-
jneaa~aa', joba' jaléng' i dsea` i cajúng- lamí~
jéeng'gui do ja' mí ca'ín' lajii~ e nicajíng'- Fidiée'
lamí~ jéeng'gui e nicuø'-reiñ' cartí mi~ niñíng'naa'
lajalé'naa' e nicajíng'- Fidiée' e nicuø'r- jneaa~aa'
lamí~ jéeng'gui.

12

Jesúsbing' i 'né- quie' nifí' quí-ii'

¹ Jo co' fíim' jaléng' dsea` quiá'- Fidiée' i
nicaliséng' ie~ mali' do tíí nir~ fí quini~naa'
lana jial dseáng'- já'- caliñ- júu^ quiá'- Fidiée'
e car` ngocáng` dsíir', joba' jneaa~aa' lanagui 'né-
e nisée'naa' cab' jalé' e ja` dseeng` e jmóo` jii'
quí-ii' jogui jalé' dsee- e jnáng' quí-ii' e ja` cuø' fí
e nijmó^naa' e guiú-, jogui 'né- e nijmi'úung'naa'
e teá'gui nisíng'-naa' lajii~ fí guiú- lí~ nitée'-naa'
lí^ laco' catíng- e nijmé- jaléng' dsea` quiá'-
Dsea' Jmáang-. ² Joba' fí-i 'nú', dsea' rú'naa', e
lí^ laco' ca'éé' Jesús, lajob 'né- quie^naa' cuente e
ni'ee'-naa' cajo, co' la'eáang' dsea` dobing' canaang`
e já'- lí'naa' júu^ quiá'- Fidiée', jogui la'eáang' íb`
cajo i jmi'lié' e laco' sí'í e já'- lí'naa' do. Jo Jesús
ja' caquúíñ'- tucaiñ' mi~ ca'ín' jalé' iihu'í lajee' e

catáin̄ fí dse˘ crúu˘ nañí fa' e eáam' ga' fi'í' quiá'-
jaléng˘ dsea˘ i júung˘ fí jo. Co' niñí'bre e mi˘ ningf̄
e ni'íñ' e iihuí' jo, eáam' guiá˘ ni'uíng˘ quiá'r˘; jo
e jáb'˘, lajob calí˘, co' lana dob ni'guiiñ̄ fí ñifí˘ lí˘
lí dsée' laco' guing˘ Tiquiá'r˘ Fidiée˘.

³ Jo uí'˘ joba' íi' óóna' jalé' e guiá˘ e cajmée˘ Jesús
lajee˘ e ga' cajmeáng˘ jaléng˘ dsea˘ dsee˘ dsea˘ qui'
ír, jo uí'˘ joba' ja' 'né˘ fa' e nijmifíng˘ yaang˘ na'
o'gui fa' e nijmitúng˘ áána' e teáng˘ na' fí guiá˘
côo'r˘. ⁴ Co' 'nú' ja' mí calíng˘ na' fa' e nicajúng˘ na'
uí'˘ e cuø'na' bí yaang˘ na' e ja' nijjúng˘ na' fí ni˘
dsee˘. ⁵ Jogui 'né˘ e tóob˘ áána' cajo jalé' e cajíng˘
Fidiée˘ fí ni˘ jì quiá'r˘ e sí'r˘ jaléng˘ 'nú', dsea˘
líng˘ na' jóor', co' lalab fé'r˘ fí ni˘ e jì jo:

Jóo'o, ja' jmoo'˘ laan'˘ mi˘ íi' 'goo' quií'˘,
o'gui jmitúng˘ o' cajo mi˘ jín˘ n' nua˘.

⁶ Co' íb˘ jnea˘ 'goo' quiá'˘ i dsea˘ i 'neáan˘,
jogui røøb˘ quidsii˘ í' cajo quiá'˘ i dsea˘ i líng˘
jóo'o.

⁷ Joba' fíi'˘ 'nú' e ni'ím'˘ ba' lajii'˘ e 'goo' e íi'
Fidiée˘, jo lajoba' dsea˘ do nito'˘ fíim'bre 'nú' e
líng˘ na' jóor'; co' ja' jié'˘ lí˘ seeng˘ jaang˘ jóo' dsea˘
i ja' íi' tiquiá'˘ 'goo'. ⁸ Co' song Fidiée˘ ja' ír˘
'goo' quií'˘ na' mi˘ 'né˘ lajo lí˘ laco' jmóor˘ cóo'˘
jaléng˘ jóor', joba' cuøng˘ fe'ee' jóng e jaléng˘
'nú' ja' líng˘ na' dseáng˘˘ jóo' Fidiée˘ jóng. ⁹ Co'
ie˘ lamí˘ jiuung˘ naa' do, íb˘ tiquí'ii' 'goo' quií'ii'
laco' catíng˘, joba' jmi'goo˘ baa're. Jo eáng˘ guib
'né˘ e nijmi'goo˘ naa' Tiquí'ii' Fidiée˘ dsea˘ gui-
ing˘ ñifí˘ mi˘ ír˘ 'goo' quií'ii', jo lajoba' nilí'naa'
e nilisee˘ naa' cøøng˘ cóo'r˘ lata˘. ¹⁰ Jo lajee˘ e
seeng˘ teáa' fí jmi'güi' la, íb˘ tiquí'ii' 'goo' cajo lí˘

laco' jii' e í dsíir' e guiá- gui quí-ii'. Dsu' Fidiée' gui ñbre 'goo' quí-ii' e l' laco' nili'íng^ ta~ quí-ii' car` ngongñ jmi~, jo lajoba' ni'uíng-naa' dseáng'- dsea' guiúng- l' laco' líiñ' 'ñia'r'. ¹¹ Dsu' e já', ja` cuø' e íaang` dsí'naa' dseáng'- ladsifí' mi~ ñ Fidiée' 'goo' quí-ii', co' huám'jiu lí' lajee' jo; jo dsu' song ni'íng-naa' e jo e ja` sée'-naa' dsee-, joba' guiáb- ni'uíng- quí-ii' jóng, co' lajoba' e ni'íng-naa' e nilisee-naa' juguiá- cóo' Fidiée' e jmoo-naa' lajii' e iing~ dsea` do.

Dseám' mi~ ja` iing~ dsea` núr- júu^ quía'- Fidiée'

¹² Jo fñ-guñ 'nú', dsea` rú'naa' dsea` quía'- Dsea` Jmáang-, cuøø' gui bí yaang-na' e laco' ja` nilitúng- áa'na' mi~ í óo'na' e eám' huñg' lajii' e fí' guiá- lí~ niteáang-na', ¹³ jogui jmi'úung-na' e teá'gui nisíng-na' e fí' jo, jo lajoba' cuøøng' e nijmicóo'na' jaléng' i dsea` rúng-na' i ja' 'goo' teáang- teá' e fí' guiá- jo e laco' teá'gui nisíñ'- fí' jo.

¹⁴ Jo jmi'úung-na' e seeng-na' juguiá- júu^ røø` cóo' jaléng' dsea` rúng-na', jogui jmi'úung-na' cajo e laco' ja` nijiúng-na' fí' ni~ dsee-, co' jii' jaang` dsea` cuøøng` liseeiñ` cøøng` cóo' Fidiée' song ja` ni'náng` 'ñia'r' jee~ jalé' dsee- quía'r-. ¹⁵ Jo jmi'úung-na' lajaléng-na' e laco' ja` nitá-na' lajii' e guiá- e ngñg-na' quía'- Fidiée'. Jo ja` cuø' fí' yaang-na' cajo fa' e nijmée-na' guíng-na' uii~ quía'^ jaléng' dsea` rúng-na', co' e jo lí' lafa' e nilíng-na' cóo' onuu` e guí-; co' fíng líng-na' lajo, joba' dseám' e ni'lee-na' quía'- jaléng' dsea` rúng-na' jogui e nidsicuáng'gui dsee- quí-na' cóo' jaléng' dsea` caguaang-gui. ¹⁶ Jo jii' jaang` 'nú' jie~ mi' 'lee-na' e nigüing-na' cóo' dsea` i o'

quí-na', jogui jie~ mí jmoo'na' e ja` nijmi'goo'na' lajii~ ta~ quia' Fidié~ lí' laco' cajmée' jaang' dseañu' i calisí Esaú ie~ malii~gui eáang' mi~ ja' cajmi'gór' lajii~ e catiiñ~ quia'- Fidié~; co' i dseañu' í líiñ' siñu^ la'uii~ quia'- tiquiá'r^, jo dsu' catúbre e líiñ' lajo ie~ lamí~ casiúñ~ coo' huí' e a~ jmiñi'. ¹⁷ Jo níb^ 'ná' guiá' e mi~ cang'gui lajo, mi~ cali'ing~ tiquiá'r^ e nicuó'-reiñ' lajii~ e catiiñ'- do dsu' uí' e líiñ' jóor' la'uii~, dsu' ja' caquí'- jmiñ' fa' e calíng'guir e jo, co' catúbre e líiñ' lajo lajii~ lamí~ jéeng'gui; jo nañi' fa' eám' camir' jmi'ee' cartí' caqui'r' ie~ jo, dsu' jo` e mii' caliseá' quia'- lajii~ e cajméer` do.

¹⁸ Jo fii-guá' 'ná', dseá' rú'naa' dseá' quia'- Dseá' Jmaang~, e ja' caguiquiéeng'na' fí' quini~ Fidié~ laco'gui cajmée' dseá' áang' quí-naa' dseá' Israel ie~ lamí~ cangoquieeiñ' e fí' tí' mó' Sinaí ie~ lamí~ cangiiñ' e júu^ quia' ta~ quia'- Fidié~; co' ie~ jo e fí' jee~ mó' do uøø niing~ jì jogui sibé' jní' e nuu' só' jogui e eáang' í' guí jogui e quie' güi'ñiá^ cajo; ¹⁹ jogui canúur- cajo jial tí' teá' ca'ii- lúu' trompé' jogui canúur- jial tí' teá' canú' luu~ Fidié~. Jo jaléng' dseá' i canúu- luu~ Fidié~ ie~ jo camir' jmi'ee' e niquiúm'- dseá' do lajii~ e fé'r` do, ²⁰ co' ie~ jo dseáng'- eám' cafóng' jaléng' i dseá' do mi~ canúur- e caquiá' Fidié~ ta~ lala: "Doñi' ii' dseá' i nisi' tí' e fí' mó' la 'né- nijúum-bre cóo'~ layaang~ cuu~ osi cóo'~ ñisu' é, jo ja' e lí' doñi' fa' jaang' jó', lajob 'né- líng-ne' cajo." ²¹ Jo dseáng'- eám' cafóng' jaléng' dseá' áang' quí-naa' mi~ cangár- jalé' e jo, co' jì'gui cartí' Moi~ cajíñ'- ie~ jo e 'gór' cartí' jléeiñ'.

22 Jo dsu' jaléng' 'nú' ja` calíng-na' lajo, co' niseab` fí quíi-na' e nigüiquiéng-na' dseáng'- condsee' e fí yú^ mó' Sión fí dseáng'- li~ guing~ Fidiée` i seeng` car` ngonghí` jmí~, jo e fí job li~ sií Jerusalén 'míi- e sea` fí ñifi- fí li~ siseáng' i 'leáng- ángeles i jmiféng' Fidiée`. 23 Jogui lana niseab` fí quíi-na' e niseáng-na' colíng` cóo~ jaléng' dsea` quíi'- Dsea` Jmáang- i caliséng` ie~ mali~gui do jo i nitaang~ fí ni~ jì quíi'- Fidiée` fí ñifi-. Jogui cajo niseab` fí quíi-na' e nigüiquiéng-na' fí quini` Fidiée` i quidsí' í' laco' catíng- quíi'- jaléng' dsea` jmigüi; jogui niseab` fí quíi-na' e niseáng-na' colíng` fí ñifi- cóo~ jalé' jmiguí quíi'- jaléng' dsea` i nicaláang- jee~ jalé' dsee- quíi', jo lana nilíiñ` dseáng'- laco' iing~ Fidiée` e líiñ'. 24 Jo niseab` fí quíi-na' cajo e cuøøng` e niguiling-na' dseáng'- condsee' fí quini` Fidiée` fí li~ niguiling~ Jesús lana, i dsea` i caneáa' e fí jo. Jogui íb` dsea` cajo i cacuø` jmi'øøng- e laco' sea` fí quíi'- jaléng' dsea` lana e niliseeiñ` cøøng` cóo~ Fidiée` la'eáng` cóo~ e júu^ tigua` e 'míi- e cacuø` Fidiée`; co' e jmi'øøng- Jesús do eáang`gui laniing- laco'gui e jmi'øøng- Abel i caliséng` ie~ mali~gui do.

25 Joba' fíi- i 'nú', dsea` rú'naa' dsea` quíi'- Dsea` Jmáang-, e contøøm- 'né- ñiing~ óo'na' e nijmée'na' núu'na' lajii~ júu^ e sí' Fidiée` jneaa~aa', dsuco' ne~baa' e ie~ mali~gui do jaléng' i dsea` i ja` calinúu~ júu^ quíi'r- ja` caláaiñ- jee~ jalé' iihuí'. Jogui jneaa~aa' eáang`guib ja` quíi'naa' jmí~ fa' e nileáng'naa' jee~ jalé' iihuí' e catíi-naa' song nijmó'naa' laang'naa' lajii~ e júu^ e sí' Fidiée` jneaa~aa' e canghíiñ` cóo~ Joor' Jesús fí jmigüi la

e jáa' tí ñiffí. ²⁶ Jō ie~ malii~ do e luu~ Fidiée~ do cajmée` e cajlé- guóo'~ uó- fí' mó' Sinaí, dsæ' lanagui jing'- Fidiée~ e o' jii'~ guóo'~ uó- nijmér- e nijlé-tu, cō' la quie' tí yá'^ jmiǵülb' nijmér- e nijlé-. ²⁷ Jō mi~ fé' Fidiée~ e nijmér- e jō calé' catú-, joba' niñí' dsea` e ni'ím- dsea` do jalé' e cajméer` mi~ cagua' uiiñ~ jmiǵüi, jō nisé- guir fí' jmiǵüi la lajii' e ja` quí'- jmi~ e ni'íing-. ²⁸ Jō ja` quí'- jmi~ fa' e ni'íing- e Fidiée~ quier' nifí' quiá'- jaléng' dsea` quiá'r-, joba' lana 'né- nicuóø'~baa' gui'máang' dsea` do jogui e nijmiféng' naa'r e ngocáng' dsi'naa' jogui e nijmi'goo~ naa'r e nijmó^oo' jmang'- jalé' e tí dsíir'. ²⁹ Joba' majmé^naa' lajō, cō' Fidiée~ quí-ii' líiñ' lafa' cōo` jì e íing- congua' lajalé'.

13

Jalé' e íaang` dsí' Fidiée`ba' 'né- jmó^oo'

¹ Jō lalab fii- guii' 'nú', dsea` rú'naa' dsea` quiá'- Dsea` Jmáang-, ja` tiúung'na' e jmi'neáang'na' jaléng' dsea` rúng'na' lí'^ laco' catíng- e jmóo` jaléng' dsea` quiá'- Dsea` Jmáang-. ² Jogui íing'na' e íaang` óo'na' jaléng' dsea` i guilíng- fí' quií-na' i jalíng- fí' lí' jíe', cō' mi~ cajmée` dsea` lajō lamí~ jéeng'gui, i líing~ i dsea` i caguilíng- fí' quiá'r- do líiñ' ángeles e jii'~ ja` calilí'r^ e líiñ' do lajō.

³ Jogui jmicóo'~na' jaléng' dsea` i sijníng~ fí' dsí' 'nañí'^ lí'^ laco' iing~na' e nijmé- dsea` cōo'~ 'nú' fa' mi~ 'nú' sijníng~na'. Jogui jmicóo'~na' cajo jaléng' dsea` i nicajmé' dsea` ga` quiá'- lí'^ laco'gui iing~na' e ni'é- dsea` guiá- cōo'~ 'nú' song cajmeáng' dsea` 'nú' lajō.

4 Jo lajaléng' 'nú' eáam' 'né' e nijmi'goo'na' quiá'- e cunḡ' guoo' dsea, jogui jie~ mí 'lee~na' e güiing'na' cóo'~ dseañu' osi dseamî i o' quiá'-na'; co' Fidiéẽ niquidsí í' laco' catíng- quiá'- jaléng' i dsea i güiing' cóo'~ dseañu' osi dseamî mi~ ná'-gui e nicúng'- guór' osi jaléng' i dsea i jmóo' lajo cóo'~ dsea i o' quiá'r- mi~ ningî e nicúng'- guór'.

5 Jo ja' jmoo'na' e eáang' suung'na' jalé' cuu-, co' lí' lí' 'né' e nijmi'íáang' óo'na' cóo'~ lajii'~ capí'^ e sea' quiá'-ba', co' lalab fé' Fidiéẽ fí' ni~ jì' quiá'r-: "Ja' quí'- jmii~ fa' e nijmihuíng' 'ñiá'a cóo'~ 'nu' o'gui fa' e nitiúun~n 'nu' cajo." 6 Joba' lalab cuøøng' fé'naa' e dseáng'- ta~ dsì'naa':

Fí'i Fidiéeb' dsea i jmicóo'~ jnea~;

joba' ja' 'gó'o jii'~ capí'^ ee' iing~ dsea jmiḡüi
nijmér- cóo'~ jnea~.

7 Jogui jmiḡuíéng' áa'na' cajo quiá'- jaléng' dsea rúng'na' dsea' quiá'- Dsea' Jmáang- i nicajmicóo'~ 'nú' lamí~ uii~ quiá'- jial já'- calíng-na' júu^ quiá'- Fidiéẽ; jogui í' óo'na' jial caliséiñ' cøøng' cóo'~ Fidiéẽ cartí' catí' í' e cajúñ-, joba' teá'gui síng' yaang~na' cóo'~ júu^ quiá'- Dsea' Jmáang- lí'^ laco'gui cajmée' i dsea' î cóo'~ júu^ quiá'- dsea' do.

8 Jo ja' sisíng' jii'~ capí'^ Fí'naa' Dsea' Jmáang-, co' røøb' líng' dsea' do latí' lajii'~ lamí~ nú'-gui e nitiroo~ jmiḡüi jogui lana lí'^ car' ngongí' jmi~ lajob líng' dsea' do. 9 Jo ja' cuø' fí' yaang~na' fa' e nijmi'goo'na' jalé' júu^ e ja' cøøng' røø' cóo'~ júu^ quiá'- Dsea' Jmáang-. Co' eáang'gui quíng' e téẽ-naa' teá' fí' guiú- cóo'~ Dsea' Jmáang- la'eáang' e 'neáang' Fidiéẽ jneaa~aa' e lafa' e jmití'naa' júu^ cuaiñ~ quiá'- jalé' e cuøøng' osi e ja' cuøøng' dól'-

dsea` é; co' jalé' e jo ja` ee` ta` íng^ jíi'~ coo` fa' e nijmicóo'~ quí-ii' fí' lí' nitée~naa'.

10 Jogui jneaa~aa', dsea` líi'naa' dsea` quiá'- Dsea` Jmáang~, seab` lafa' feá'- quí-ii' e jíi'~naa' fí' quini' Fidié' mĩ~ jmiféng'naa're. Jo dsu' ja` fí' sea` quiá'- jaléng' jmidsea` i lamĩ~ jíi' jalé' feá'- fí' quini' Fidiéé' lamĩ~ jééng'gui fa' e nidø'r- e lafa' feá'- quí-ii' do. 11 Co' ie~ lamĩ~ jééng'gui do, e ta~ quiá'- jmidsea` laniing~ quiá'- dsea` Israel quiá'- e nid-sicar' jíi'~ jmi~ jó' cati' Éé^ lí~ Laniing~ Güeang' quiá'- e 'núu' 'mi' e lí~ jmiféng' jaléng' dsea` do Fidiéé', jo cuø'r' Fidiéé' e jo e laco' la'uii~ ni'íng~ dsee~ quiá'r- 'ñia'r', jogui mĩ~ ningí jo, ni'íng~ dsee~ quiá'- jaléng' dsea` góor'; jo dsu' i jó' i ca'uøð jmi'øøng~ do, carti' caluu' fii' b' dsijíiñ' í. 12 Jo lajob calí- cóo'~ Jesús cajo, fí' caluu' fii' Jerusalén cajúñ- e laco' cóo'~ e jmi'øøiñ- e catuu' do cajméer' cóo'~ jaléng' dsea` quiá'r- e jo røøng'guiñ' dsee~. 13 Joba' fii' i 'nú', dsea` rú'naa' dsea` quiá'- Dsea` Jmáang~, 'né- e lafa' e nidsé^naa' cóo'~ dsea` do fí' caluu' fii' e ja` i' líi'naa' fa' jialgui la fé' dsea` ga` uii'~ quí-ii' lí'^ laco'gui cajmée` dsea` cóo'~ dsea` do. 14 Co' ja` sea` quí-ii' fí' jmigüi' la lí' see~naa' lata~, dsu' sijeem'baa' e nilisee~naa' e fí' fii' 'mii' quiá'- Fidiéé' e née' fí' ñiffi~ quiá'r-, co' e job fii' e sea` lata~. 15 Jo uii'~ e joba' contøøm~ 'né- jmiféng'naa' Fidiéé' la'eáang' cóo'~ Fí'naa' Dsea` Jmáang~, jo e lab líi' lafa' e feá'- e 'né- e nijjíi'~naa' fí' quini' Fidiéé'. Jo contøøm~ 'né- e nijmiféng'naa're cóo'~ lajalé' e fé'naa'! 16 Jo e laba' 'né- cajo e contøøng~ 'né- jmée^na' e ni'ee~na' guiá- cóo'~ jaléng' dsea` rúng'na' jogui e nijmicóo'~na'r cóo'~ jalé' e sea`

quí-na'; dsu' jalé' e naba' lí' lafa' e feá' e nijí'~na' fí' quini' Fidié' e laco' cuø' e iáang` dsír'.

17 Jo 'nú', jmee~ba' núu~na' cóo'~ jaléng` dsea` quie' nifí' quí-na' jogui jmi'goo`na' dsea` do cajo, co' íb` dsea` i née' ní' 'nú' contøøng~; co' niñib` i dsea` do guiá~ e fí' quini' Fidiéeb` niguiéer' cuente jalé' e jmóor` cóo'~ 'nú'. Jogui cuøø'~ bí' yaang~na' e guiá~ ta~ nijmée^na' fí' quini' i dsea` do, jo ja` jmeáang'~ yaang~na' e nijmée^na' laguidseaang^ doñí' ee` jmoo`na', co' fing song jmoo`na' lajo, joba' ja` e ta~ nili'íng^ quí-na' jí'~ cóo' jalé' e jo.

18 Joba' sí'~naa' 'nú', dsea` rú'~naa' dsea` quiá'~ Dsea` Jmáang~, e nimí'~na' Fidié' uii~ quí-naa'. Jo nitab~ dsí'~naa' e Dsea` Jmáam~bing' i nica'íng~ congua' jalé' dsee` quí-naa', jo uí'~ joba' ii'~naa' e contøøm~ ni'ee~naa' e guiá~ cóo'~ lí'^ doñí' ee` jalé' e jmoo~naa'. 19 Jogui la guíim` mí'~i 'nú' cajo e niføng'~na' Fidié' uii~ quie' e e laco' dsea` do nicuø'r~ jnea~ fí' e lajee` lajminá~ niliseeng~túu cóo'~ 'nú' calé' catú~.

Júu^ lí' ngóo' cadséng~ e cat#ng~ dsea` Israel

20 Jo mí'~i Fidié' i cuø' e see~naa' juguiá~ júu^ røø', jogui i cajmée` e cají'tu Fí'~naa' Jesús jee~ jaléng` 'lí~, jogui i jmóo' í' jneaa~aa', dsea` lí'~naa' lafa' jo'se` quiá'r~; joba' mí'~i la'eáang' cóo'~ jmi'øøng~ Dsea` Jmáang~ e catuu` fí' dse' crúu^ e tí' ní' lata~ e júu^ tigua` e 'mí' e cajmée` Fidié' cóo'~ jneaa~aa', 21 joba' mí'~i ire e la'eáang' cóo'~ e job nijmér~ e ni'uíng~na' dsea` guiúng~ i ée` røø` laco' sí'í^, jo lajoba' cuøøng` e jmée^na' dseáng'~ lají'~ e iíñ~; jogui mí'~i dsea` do e nijmér~ lají'~ e iíñ~ cóo'~ jneaa~aa' e iáang` dsír' la'eáang' cóo'~

ἰ Jόοr̄ Dsea` Jmáanḡ. ἰJο majmifém'baa' Dsea` Jmáanḡ lata`! Jο lajōb 'né` lí̄.

²² Jο mǎí̄`i 'nú'`, dsea` rú'naa' dsea` quiá'- Dsea` Jmáanḡ, e ni'ím'ba' e féng'` óó'na' lajǐí̄~ capí̄^ júu^ cuø' bí̄ e nīcafǐ̄`i 'nú'` e fí' nī̄ jì quié`e la.

²³ Joguī̄ jmóo'~o 'nú'` júu^ cajo e ἰ dsea` rú'uu' dsea` quiá'- Dsea` Jmáanḡ ἰ sī̄ Timoteo nīcagüi'ǐ̄bre fí' dsíí' 'nǎíí'; jο song cagüeiñ̄ fí' la lajminá̄, jōba' nijōøm^baare fí' na mi~ ninii~i ni'ee`e 'nú'` jóng.

²⁴ Joguī̄ guicóob'~ jaléng'` dsea` quiá'- Dsea` Jmáanḡ ἰ quié' nifí' quíi~na' fí' na, lí̄^ lajaléng'` dsea` rú'naa' dsea` quiá'- Dsea` Jmáanḡ caguaiaanḡ-gui ἰ seeng` fí' na. Joguī̄ guicóo'~baa' jíng'~ jaléng'` dsea` rú'naa' dsea` quiá'- Dsea` Jmáanḡ ἰ neáang' fí' la fí' lí̄ se' Italia.

²⁵ Jο güi'íib` Fidiée` güea'^ quiá'r̄ fí' jee` 'nú'` lajaléng'`na'. Jο lajōb nilí̄.

Júu 'má e cacuo fidié
New Testament in Chinantec, Comaltepec
(MX:cco:Chinantec, Comaltepec)

copyright © 2002 Wycliffe Bible Translators, Inc.

Language: Chinantec, Comaltepec

Translation by: Wycliffe Bible Translators, Inc.

Chinanteco, Comaltepec [cco], Mexico

Copyright Information

© 2002, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Comaltepec

© 2002, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files
dated 29 Jan 2022

30c6f873-0dee-5863-8883-ba3c5eaa988c